

S P E A K E R

: Mi zawnng zawnng hnenah pek tur apiang pe rawh u; leiman pekna tura hnenah chuan leiman pe ula; chhiah chawina tura hnenah chuan chhiah chawi ula, tih tura chu tih ula, pawisak tura chu pawisa rawh u.
Rom 13:7

Zawhna kan la nghal ang a, Starred Question No. 169-na zawt turin Pu R. Lalzirliana ilo sawm ang.

PU R. LALZIRLIANA

: Pu Speaker, Public Works Deptt. changtu Minister chhan atan -
(a) World Bank sum hmanga Thenzawl kawng siamna atan hian a tir atangin sum engzatnge sen ni tawh ? (b) Hemi atana sum hman tura ruahman (total estimate cost) engzatnge ? (c) Contractor hian a thawh chinah hian a endiktu ngaihdanin an hna hi a tha a ti bawk em ?

S P E A K E R

: A chhang turin P.W.D. changtu Chief Minister Pu Zoramthanga ilo sawm ang.

**PU ZORAMTHANGA
CHIEF MINISTER**

: Pu Speaker, kan member zahawm tak Pu Zira zawhna chhanna chu Hetiang hi a ni e. (a) World Bank sum hmanga Aizawl - Thenzawl - Buangpui thleng kawng siam nan a sum hman tawh zawnng zawnng chu Rs. 30.389 crores a ni. (b) Aizawl - Buangpui via Hmuifang civil work contract amount/agreement amount chu Rs.1,07,74,05,432/- a ni. Hei hian land acquisition a huamlo. (c) Contractor-te hnathawh hi uluk takin supervisor consultant atana rawih consultancy firm ten an vil reng a, thalo an tih leh consultant in an pawm loh chu siamthat tir zel thin a niin a thalo chu siamthat leh zel tur a ni bawk. Chutianga pawm chin chauh bill pek a ni a, siamthat ngai a awm nual.

PU R. LALZIRLIANA : Pu Speaker, zawhbelhna. Hemi World Bank sum hmanga kawng siam hi an lo zawh hunah a maintenance hi state PWD tih tur nge ? tu tih tur nge tih kha pakhatna-ah ka zawt duh a. Tin, a dawt lehah chuan sorkar hmasa lamah khan helai kawng chhiat zia, an lung hman chhiat zia hi helaihan kan hotute hmuh atan ka rawn la lut tawh a, chumi hnuah chuan hei hun a rei leh viau tawh a, khawilai lung nge an hman tak ang tih kha ka hre duh a. Khata tang khan tih tak takin an ti lo nge ni kan Contractor te hi kan ngamlo nge ni kumin chho-ah pawh sawlam NGO leh V/C ten nawrh hial an huaihawt a ni a, leivungin kan hnawh sak ta mai mai a, ruah a sur hlek chuan kawngchhe lutuk leh diak ni leh mai tur a ni a. Hei hi kan sorkar hian hma a la thei em ? Tin, labour contractor in ti nge ni mipakhat sawlai enkawltu tura an tih bera kha engvanga in withdraw ta nge ni ?

PU ZORAMTHANGA CHIEF MINISTER : Pu Speaker, a maintenance kha World Bank in an siam zawh hian keimahni kuta awm tur a ni a. Lung khawilai a mi nge an hman tak tih kha Scatezel leh Fangfar te sawlaia an lung lakna hmun a mi uluk taka test ve an ni a, kan member zahawm tamkin a lung rawn ken kha dawhkana han hmehkeh theih mai a kha chu consultancy firm in an pass vek loh chuan hman theih a ni lova, chuvangin sawlaia an quarry neih saw an hman mek chuan ni.

PU R. LALZIRLIANA :hrim hrima kan tih khan engemawni thudiklo deuh sawi ang deuhah khan keimah kha min chan theiin ka hria a. Lungchhia kha hmang a, tam tak trip 100 dawn lai an phur chhuah tawh a ni a, ka sawi avangin sorkarin in ngaihtuah a, estimate committee ion va kaltir a ni zawk a. Khata tang khan an hmang ta lo em ni tih kha chiang zawka sawi nise a tha lo maw ?

PU ZORAMTHANGA : A hnuaia lei phah tur boulder tih
CHIEF MINISTER hma a, lungchhia dahkhawm kha a
awm a, Khangte kha ngaih hai palh
theih a ni a, khatiang kha chuconsul-
tative Malaysian miin an ven reng ani a, khang kha chu hman loh hrim hrim
ani.

PU LALZIRLIANA : Pu Speaker, an hmanga, Y.M.A, NGO
inzawmkhawm te, V/C ten an
hman thin a ni tih an hriat avang-
in ka hnenah an lokal thin a, a
hmunah kan va kal a, kan hmu a ni. Vai pakhat pawh kawngthlangah
kan namthlak phah tep a ni. An hman thin a ni. Hei hi chu kan
Chief Minister hian pawm ve mai sela a tha in ka hria a ni.

PU ZORAMTHANGA : Pu Speaker, keiin ka pawm leh pawm
CHIEF MINISTER loh a ni lova consultant ten uluk
taka test a an pawm tur World Bank
in-a a tih a ni. Pu Speaker,
consultant authority world bank in-a an dah leh kan PWD in a hmanna
an neih a kha khamitena an pawm tura technically a tih a ni a.
Chuvangin, Chief Minister in-a pawm leh pawm loh lam a ni lo. Lei
phah rual nan khan metal atana hman tur khami lai a kal kha a ni a,
chung erawh chu a sira an tihna erawh chu chawhrualah an hmanga, a
chunga boulder phah tur a ni a. Chulai chu hriattir sual palh a awm
thei a ni.

Tin, sorkar pawhin theihtawpin kan
bei a, World Bank te, Bagirathi te hi kan duh anga an chak tawh loh
avangin hmanah pawh House-ah ka sawi tawh kha. Company tepawh ko
chhovin uluk takin kan brief a, anni pawhin chak takin hma kan la ang
e, an ti a, fur khawchhe zualah kha chuan an che hlei thei lo a ni.
Tunah hian nasa takin sorkar pawhin a nawr a ni.

Labour Contractor chungchang hi chu
ka hrechiang chiah lo a ni.

S P E A K E R : Ka hriatsual loh chuan Lengpui Airfield siam lai pawh khuan a hnuai ber phahah khuan lungno deuh tepawh an hmang a, tikhan a chunglangah hian a tha an hmang ta a. Chutiang ang chi deuh chu a ni thei mai lo maw ?

PU ZORAMTHANGA CHIEF MINISTER : Pu Speaker, ni e, chu chu a nia, a hnuaiberah pheii chuan lei pawh an hmang a

PU R. LALZIRLIANA : Pu Speaker, Committee pawh kha an va kal a, pah vek turin an ti a, chu chu a ni zawk a ni.

PU ZORAMTHANGA CHIEF MINISTER : Pu Speaker, Estimate Committee-in a pah vek tura an tih lam kha chu kei kha chu ka tel loh avangin ka hre tawh lova. Amaherawhchu, ka sawi a chu hemi a hnuai leveling, a rual nan hian helaiah pawh khan khami a lungchhia leh ilo a kha chu a chhuat tih rual nan chuan an hmang a, mahse, khami chungah khan a boulder a te leh hemi a grannel a te kha dah tura kha chu lungchang tha pangngai kha consultant tena a vengtu tena an approve a kha dah tur a ni.

Tin, Labour Contractor te, Sub-Contractor te kha Philip-a te kha anih ka ring deuh a.

PU R. LALZIRLIANA :phal lova, 'a awm lo' an ti a, Labour Contractor kan ti e, inti anih kha mawle.

PU ZORAMTHANGA CHIEF MINISTER : Pu Speaker, a engapawh chu ni sela, chumi kan vuah chu. A hnu a in-hlawhfate kha an inmil chiah loh avangin leh an inkar neuh neuh a awm, avang khan in withdraw kha tumkhat kha an sawi a, anmahni pahnih inkar a ni a, engeni an chanchin zel ? khalai a kha amahin a rawn sawi dan chuan 'harsatna i rawn sawi ang apiang chu kan ti zel ang a, min thawhzui sak hram rawh' an ti a. Keipawhin kan thawhzui sak leh dawn nge maw ni, engtingge maw ni kan be vel mek a ni tih chin kha ka hrilh a.

S P E A K E R : Starred Question No. 130-na zawt turin Pu K. Vanlalauva ilo sawm ang.

PU K. VANLALAUVA : Pu Speaker, ka lawm e. Art & Culture Minister zahawm tak chhan atan - (a) State Library hian amah in building a nei tawh em ? (b)

Neilo se, engnge a chhan ? tih a ni e.

S P E A K E R : Chhang turin Art & Culture Deptt. Minister Dr. Lalzama ilo sawm ang.

DR. LALZAMA MINISTER : Pu Speaker, ka lawm e. Hei, hi a chhanna chu a ni e. State Library hian amah in building a nei tawh em ? tih kha, Neilo tih a ni a. Tin, neilo se engnge a chhan tih chu, a sakna tur hmun leh sum a awmlah avangin tih a ni e.

PU K. VANLALAUVA : Pu Speaker, zawhbellhna. Amaha building a neih si loh chuan tunah hian tu building nge an luar a ? Thlakhatah engzat nge an ciawi tih kha kan zawhbelh leh duh a. Tin, Library Building nei tur hian engtinge sorkarin hma a lak ? tih ka zawhbelh leh duh a. Tin, Saiha District Library saw District Council ho kutah engtik kum atangin nge a awm ? a function tha em ? Lehkhavute District Council in at pe tha em ? tih ka zawhbelh leh e.

S P E A K E R : Chhang turin Minitier Dr Lalzama ilo sawm leh ang.

**Dr LALZAMA
MINISTER**

: Pu Speaker, Building luah hawh kha chu Pu Sangkhuma building, Khatla -ah sawn luah hawh a ni a. Tah sawn State Library chu a awm a, tichuan, a

Luahman chu Rs 14,875/- ani a; chu chu thlatin ani a, tamtak sengin kan luaha tichuan a hmunte hi neih ve a mahnia building te pawh hi neih ahun e tiin hma lakna chu kan nei a. Tichuan, Khatla-a New Secretariat Complex-ah sawn ahmun kan han ngaihtuah a saw saw a pass pawh achhuak tep tawh a kan neih thuai pawh kan beisei a. Tin, a satu tur pawh hi RRRLF atangin min rawn pe thei mai turah kan ngai a, anni pawhin ahmun kan neih hi chuan a bul han tanna tur min pe thei mai dawn ni awmin kan hria a. Chutiang chuan hma kan lo la mek ani.

Tin, Saiha lam kha chu engtik kum atangin nge tih ka chiang hauh lo mai a, District Council hnuaia awm anih vangin sawtiang sawn tha taka run leh anmahni kuta awm anih avangin an kal thei reng turah kan ngai ani. Chu chu ka han chhan theih dan ani e.

PU K VANLALAUVA

: Pu Speaker, zawhbelhna tak tak chu, Library-te hi hmun kilkhawr a awm chi em ni ? Heng New Capital building-ah sawn Secretariat

Department hrang hrangte insawn phei kan tum a ni si a, an insawn phei hunah te henglai remchang hulumlai deuhah hian kan naupangte leh College zirlaiten awlsam zawka an pan theihna tura dah theih hram dan hi a awm lawm ni ? tih ka Zawhbelh e.

**DR LALZAMA
MINISTER**

: Pu Speaker, a ni khawp mai helai a hulum deuh laia awm awm tak pawh a ni a. Engpawhnise, sawlai pawh saw hulum tak turah chuan kan

ngai a. Ni e, an sawi ang khan helai a mite an insawn phei chuan henglaiah pawh hmun ruak pawh chu la in siamrem dan a awm zel turah ngai ila, khang kha chu nakin thil tepawh a la ni ang a. Tin, Pu Speaker, pakhat lehah chuan he building sakna tur min rawn petu turte hian a hmun kha an duh ve flat mai a, a hmun neihve a ngai a, han neih ve phawt a, 'hei' han tih ve tur neih a ngai a ni. Kha kha kan neih phawt chuan min rawn pe thei mai dawn nghe nghe a, a bultanna tur chuan, Chuvang chuan, han neih phawt mai kha a ngai ve a ni tih kha ka han sawi a ni.

S P E A K E R : Awle, Starred Question No. 171-na zawt turin Pu H. Rohluna ilo sawm ang.

PU H. ROHLUNA : Pu Speaker, ka Starred Question No. 171-na PWD Minister zahawm tak chhan atan - (a) Ngopa to Mimbung road siamthat hna hi tunge a thawktu ? (b) Engtikah nge hna a zawh theih ang ? (c) Ngopa - Mimbung road to Kawlbem approach road (6.50 km) soleing, metalling leh black topping engtikah nge tan theih anih ang ? (d) Tunge a Contractor ? tih ka zawt e.

S P E A K E R : A chhang turin PWD changtu kan Chief Minister ilo sawm ang.

**PU ZORAMTHANGA
CHIEF MINISTER** : Pu Speaker, kan Member zahawm tak Pu Rohluna zawhna (a) Ngopa - Mimbung road siamthat hnathawh mek hi Deptt. a thawh ani. (b) January, 2005 hian zawh theih tum a ni. (c) Kawlbem approach road hi PMGSY kawng a ni a, soiling, metalling and black topping hna hi la sanction loh anih avangin tan hun tur a la hriat rih lo a ni. (d) Sanction a la awm rih loh avangin a Contractor pawh an la awm lo a ni.

PU H. ROHLUNA : Pu Speaker, zawhbelhna - Major Development Project taken up by the Govt. of Mizoram tih lehkhabu ah hian Ngopa to Kawlbem approach road hi nuai 163 leh 88000 sanction tawh ti khan hetah hian a chuang a, chutihlai chuan tunah khan sanction loh ala ni ti khan Minister zahawm takin min chhang a, hemi lehkhabu a chuang ang hi a dik ta lo em ni ? tih ka zawhbelh a. A hma kha chuan nuai 67 leh 6000 hi sanction tawh a ni a, hei pawh hi EAS pawisa vel a

laihtlang tawh engemaw hmai han phih fai a, laihtlang mai kha a ni a, a kal tawh kha chu kan Chiang sa vek turah ka ngai a. Hei hi a rang thei ang in kan sorkar pawhin hma min lakpui se ka duh a, a chhan chu a kawng khi a pawimawh a, Champhai - Mimbung road chu tunah BRTF hian Champhai - Khuangphah khi an lai pheik mek a, Hnahlan an thleng tawh a. Tichuan, Khuangphah atangin PMGSY a laih a, Kawlbem ah tuna Ngopa - Mimbung road kharawn pawh chho tura ngaih a ni a. Chu chu chak zawk deuh hlekin kan sorkarin hma min lakpui se.

Tin, Kawlbem khua hi a khawchhung a tlawh ngei dawn em ? tih kan zawt tel duh bawka, tichuan Ngopa - Mimbung road hi Departmental a thawh a ni tih kha tun hi ka vawikhat hriatna a ni a, Contractor an awm a khitah khian, kan Chief Minister pheichuan a hrechiang viau in ka ring a chhungkhat hnaivai tak a ni, chubak erawh chu sawi tawh lo ila tha in ka ring a. Chu chu anih avangin hei hi a chaklo em em a, January, 2005 hi chuan an zo hman dawn lo a ni, tuna a landan hi chuan. Black topping pawh an la tan lo reng reng a ni a, lung pawh an la dah mumal lo a ni a, an dah pheuh pheuh chauh a ni a. Tunah November a ni tawh a, thla 2 vel hi chuan zawh ngaihna a awmlo reng reng a, chuvang chuan chak zawk deuh a thawk turin min nawr sak thei ang em ? Chhungkhatlaina an nihna ah pawh tan min han laksak deuh hlek turin ka duh a. Tichuan, a lung a pawh tun aia tha deuh hlekin a hmang thei ang em ? tih kan zawhbelh duh a ni.

PU LALRINLIANA SAILO:

Pu Speaker, Chhingchhip - Khawhai kawng hi a pawimawh khawp mai a. Hei, min laih sak ve thei ang em ? Khawhai bialte pheik khi chu Khawzawl atangin kan lehluh a, a lehlamah E. Lungdar atangin kual em em mai a. Pu Speaker, Lungpho bial pawh khi Lungpho a bial neitute khi nghawngkaw area ala ni reng mai a, chuvang chuan kan sorkar chak tak hianin kumtharah hian khimi kawng khi min tihtlang sak thei em ? tih hi ka zawt duh a ni e.

PU LALDUHOMA

Pu Speaker, ka zawh duh pakhatna chu - Prime Minister Programme hnuaiyah khua zawng zawnga Motor kawng luhtir tum a hmalak anih mek lain ka bialah khian Damdai, Zokhawsang leh Upper Sakawrdai leh Sunhluchhip te motor la luh miah lohna an la awm ani. Chuvang chuan, heng khua motor kawngin ala chhun hauh loh te hi min ngaih

.....914/-

pawimawh sak thei dawn em tih ka ngen in ka zawt duh a. Tin, pahnihna ah chuan, hei kan sorkarin kawngpui pawimawh tak tak tam takah hma ala a, a lawm awm em em lai hian link road kan han tih ang chi, keini chuan Economic Road kan ti mai thin a, mipui ten an chhawr tangkai tur ang chi duh aain kan hlam chhiah in ka hria a, hei aia nasa hian atih theih dawn lawm ni? Entir nan, Tinghmun- Tuiruang pawh na tur te, Ratu- Tuivawl pawhna tur te ang hi han tlang sela chuan Balu tha lutuk hnianghnar takin Aizawl hi ka bialin kan supply thei dawn ani. Khatiang ang chi Economic atana hman nghal theih tur ang chi kha kawngpui lian ang hian tun aia nasa hian ngaih pawimawh zual ani thei ang em? tih ka zawt e.

PU R. LALZIRLIANA

: Pu Speaker, ka lawm e. Session tawp lam ani tawh a, ka bial lam te ka zawt ve duh a. Saitual - Saichal - Bualpui Road tih vel kha term hmasa lama kan

sawi tawh, hemi NEC suma laih tum kha Saitual atanga peng lovin Champhai road zawh chhovin Tuivawl lei kan hnuah Champhai road zuk thlur vel ang renginkal a tum em ni? Hei hi a linement zawm that a awm em? tih kha ka zawt duh a. Tin, a awm anih pawhin Saitual atanga kal ngei tur khian kan hotuten min tihsak turin ka ngen nghal a. Pahnihnaah chuan Saitual- Phullen road khi a chhe hle maia, engtikah nge siamthat anih dawn, sum kha kan nei tawh em? tih kha kan zawt duh a. Tin, hei contractor te hi tam tak an awm a, chung zinga mi tlemte chu eng atanga class-1 contractor a hlan kai nge an nih tih kha khawngaiha min hrilh theih chuan, Pi Lalthanthuami **Seven Sister Enterprise**, Zarkawt, Aizawl contractor register ni ngai lo vai khawl hmanga in register ani an ti a, vaikhawl hmangin. Dan hian vai khawl hman hi a lo phal tawh reng em ni? tih ka zawt duh a, an mahni ta ni silo. H.Lalremtuanga Woodstock Enterprise, Aizawl veng lai contractor ni ngai lo thingzai zuar mai an ti a. Johnson Eastern Power Zuangtui, Aizawl Mizo contractor te min pek phal loh Farm registration an neih tawh avangin mi dang an pe phal ngai lova. chu chu Mizo nilo an kai tir ani. RH Construction Vaivakawn contractor ni ngai miah lo workdone khawia mi nge an neih heng te hi. Tin, **LALREMRUATA** Zohnuai Vaivakawn direct -a class-1 kai ve ringawt workdone an neihna pawh hriatloh. Tin, Pi **LALROVI** Hunthar veng hei hi a thian pa class- 1 contractor ani a, nupa a class- 1 contractor awm chhun niin an sawi a. Heng hi workdone a hmingin a nei miah lo an ti a. Tin, Pu **L. NGHAKLLANA** Chanmary 'W' Pu **Zoramthanga** u danin a phut ang engmah a nei lo an ti bawk a. Hengte hi a hria ten an sawi dan chuan MNF nih vang ringawt a class- 1 contractor a hlan kai niin an sawi a. Hetiang hian party a nihna a class-1 a kai theuh ta mai em ni? tih te ka zawt tel duh ani.

.....915/-

SPEAKER

Mimbung Road atangin Registration ah te kan kual ta a, a relevant lem lo te pawh a awm a chhan theih theih chhang turin Chief Minister i lo sawm ang.

**PU ZORAMTHANGA
CHIEF MINISTER**

Pu Speaker, kan peng thui ta deuh a, pakhatna khilai Kawlbem Road sanction tawh ni a lang si kha engatinge tih kha khilai kha ngaihsual theih deuh hlek a

awm a. Ngopa -Kawlbem Road leh Chawngtlai- Tualte formation cutting retaining wall culvert sanction kawp ani a. Pavement-a kal lova, khilai kha zuk hriatsual theih lai awm chu ani. Tunah hian Kawlbem road kha chu kan tih ang khan formation cutting chin ani a. Pavement kha a lo tello ani. Chu chu a hma thei angin hna te tih kan tum ang e. Amaherawhchu, tlemin a rahbi ve deuh hlek te, a mihring tam dan a zir tein khuta tangin PMGSY rawn titu te hian mihring chuti zat a tam awmna chu priority pek tur ani tih khu lama passed angaih ye avangin kan duh apiang kha khawte te han tih rawk rawk a kha a theih vek loh lai chin a awm thin a.

Tin, Contractor ten hna thawk chak thei turin in nawr thei ang em? tih kha hna hi a chak thei ang berin thawk sela kan duh a. Department lam pawhin theihtawpin an hnuai a an mi chhawrte chak turin an lo nawr ve zel ang a. A chak thei ang ber a ti turin keini pawhin kan lo nawr ang e.

Tin, member zahawm tak Pu Lalrinliana zawhna Chhingchhip kawng lam kha chu a kal chho ruah a, hma kan la chho mek a. A dangte pawh kha tih chhoh zel kan tum a. Amaherawhchu, Rullam-Lungpho lam PMGSY-ah tender paqwh tihfel mek a ni a. Khang kha hma chhawpin kan kal chho zel dawn e.

PU LALRINLIANA SAILO

A hmar lam kha chu a va kualphei duah mai a. tlema direct khan a ti theih lawm ni aw kan ti deuh ani. Kha kha chu Project dang deuh a ni a. Kawngpui

ngil chho reih rawih a kal ve dan kha ngaihtuah dan a awm em?
(SPEAKER Chhingchhip atanga direct deuh taka kal kha I duh ani maw?)

PU ZORAMTHANGA
CHIEF MINISTER

PMGSY hi kawngpuiina hmun khata a tlawh tawh chu PMGSY-in hmun dang atangin a tlawh thiang tawh lova kha kha chu kawng chi hrangin a tlawh tur anihna lai a awm tawh a, kawngpui dung ami kawngpuiin a tlawh te kha chu hmundang atanga rawn hmuh lehna tur kha chu PMGSY arem tawh lova. Chu chu Head hran atanga laih a ngai tawh a. Chvangan PMGSY pawh hi a thawh tam thei tur ang chi khan thahnemngai takin an phal chin kan kal pui ani a. A kual deuh lai pawh a lo awm mai thei a, mahse khang kha chu a tlawh tawh anih a scheme a kal anih chuan kawng dang atanga zuk short cut emaw leh tur chuan NEC emaw line hran sanction atang a tih a ngai ang. Tin, kan member zahawm tak Pu Duha han zawhna kha khang Damdai lam te leh Sunhluchhip leh hmun dang dang khang Motor luh theih nan min han tih hmasak thei em tih kha PMGSY scheme ah chuan an tel veka, amaherawhchu, tuna kan sawi tawh ang khan khuta a sanctioning authority te lam hian mihring population chuti zat chin chin chu priority ah neih tur a ni tih anih tlat avang hian an population a dawt a sawi theih ngawt bawk si lova kha vang khan hemi a hi priority ah kumina in pawisa sanction atangin tih hmasak a ngai a ni tih an justify chin kha a ngai ve thin a. Helai Sunhluchhip lampang pheih chu a tul khawp a, Chhanchhuahna khawpui nen a tlangdung han tlang pheiah sawn a tha khawp mai a. Amaherawhchu, a lo chhuakchho ve thuai ang a, nawrchhuah theih dan a awm chuan a tlangdung pheih a saw keini pawh kan ngai pawimawh khawp a, mahse khulamin a min approve ve a ngaih avangin kha kha kan lo nghak rih a ni e.

Tin, Pu Duha zawhna Link Road chungchang thu a kha a dik khawp mai a, kan ngai pawimawh a, keini pawhin nawrpui in kan han nawr a. Tuna kan han rilruk takah pheih chuan Tuirial dungah hian economic road a kha han kal se, Tlawngdungah te kan kawng tam ber a hi tlangdungah a kal a, lui ruamah hian a kal lova, chho thlir a ni thin a. Chvangan, chhuk thlir theih turin lui ruam hi han ti hmasa pawt ila, chuta tang chuan entirnan Tlawngdung a ni emaw Tuirial dung ani emaw a dung zawng a lo kal chuan lui avang zawng a kawngpui kal sa in a tan tlang nalai a inhmuhna lai tur hi a awm nual hlawm a. Tin, a rem-chang laiah chuan tlangdunga rawn chhuahna tur pawh kha kan enchho zel bawk ang a. Hei hi tun tum ah pawh kan plan discussion dan tea kan awm chuan kar leh lawk maiah te kan kal

dawn a. Chungah chuan ngaih pawimawh ber pakhat a kan neih anih avangin plan leh scheme pawh heta tan hian P.W.D. han siam rawh u ka ti a. A detail tak a insiam hmanlo anih pawhin a project a kha crore chuti zat vel tal a ni rawn ti ula, nawrpui kan han ti ang e, Planning Commission pawhin an ngaih pawimawh ber pakhat a ni a, chu chu kan zuk thlir ang e ka tia, tukin thleng khan khang scheme pawh kha luipui dung ruama kal theihna tur chi kawngpuia chu nawrpuia neih kan tum a ni a. Tin, chuta tanga khua rawn chuan chhuahna pawh kha link road nei, hei chu kan ngaih pawimawh ber pakhat tura kan neih ani e. Tin, kan member zahawmtak Pu Zira zawhna Saitual-Saichal khimi Bualpui khilai chhova kha kawngthar zawinna han en hmasaka kha kha kha tlein a controvertial deuhva, hei hi a tha lawmni? tih neuh neuh kha a awm a. Chuvangin hei chu uluk leh zual in en ila, a tih theih hram dan a sanction local ani tawh bawk, han tih kan tum a, chuvangin a tira scheme ang khan kawng grade hmatheih tur anga tih theih beiseina a awm a, chu chu tha leh zualin i enteh ang, tiin a en tur paqwh kan insiam mek e. Tin, Class I Contractor a kaithar ho kha chu a Committee hi awm ve a ni a, khamitena a criteria te leh khang zawng zawng kha a record nena an neih a ni a, heti mai hi chuan khamite kha chumi anih avanga kai ani e, tih kha mi report tling khawm atang ngawt chuan hei zawk hi ani han tihna tura mal te tea zuk scrutinize na kan neih loh chuan kan chhang thei mai bik love a.

SPEAKER

: A tam fu tawh mai a, supplement kha duhtawk mai ang u. Starred Question No. 172 zawt turin Pu H. Rohluna ilo sawm leh ang.

PUH. ROHLUNA

: Pu Speaker, ka Starred Question No. 172 na Horticulture Deptt. Minister zahawm tak chhan atan (a) Hnahlan leh a chhehvel khua a Grape chingtute tana October, 2004 a G.I. Wire Roll tam tak semchhuah te kha Roll chanve Kg 20 vel zel ani tih hi a dik em? (b) Grape chingtute hian an dawn tur zat G.I. Wire dawng ta lo se Deptt.-in a pekim leh ang em? tih ka zawt e.

S P E A K E R : Chhang turin Horticulturte Deptt. changtu Pu H. Rammawi ilo sawm ang u.

PU H. RAMMAWI MINISTER : Pu Speaker, a zawhna chhanna chu (a) A dik chen a awm thei ang. A rih zawng base a lei a ni a, a then chu kg 22 lek anih lain a then chu kg 90 roll tepawh a awm. (b) An dawn tur hi pek kim an la ni rih lova, allotment ang a pek vek tur an ni. Chu chu ka chhanna a ni e.

PU H. ROHLUNA : Pu Speaker, a supplier te leh midang han zawh a Deptt. mi thenkhat han zawh pawhin kg 40-50 hi chu a ni deuh vek ani a roll hi a tlangpui thuin an ti a. Chuvang chuan, ka hriatdan hi dik turah ka ngai a, a chhan chu mi pahnih/pathum in min hrilh a. Khilai a G.I. Wire a roll-a champhai thlengchho khi SDHO Champhai-in an godown ah hlawhfa la in a. G.I. wire roll te hi a then tir a, roll chanve ang te, kg 20-30 te in a then tir a, tichuan Hnahlan chhehvel Diltlang te, Tualcheng leh khawdang thenkhat phei chu Champhai atangin a roll in a pe a, a roll tling lovin. Godown ah a roll puitling an hmu si, saw zawk saw ka duh an tih in 'hei hi chu a theih loh' an ti bawk si a, chutiang chuanin an ti ani. Hmanni-ah kan sawi tawh a, mahse hei sawi tawh tih pawh a awm theilo anih hi min chhandan atangin, min chhandan chuan zir sela sawi tawh ka ti mai dawn a, chu chu a ni a. Chuvang chuan tunah hianin Hnahlan ah pawh khian a thleng tawh pawh khi a tam a ni. Mahse, khing a thleng tawhah khianin tumah khian sem lohvin an Hall ah an dah ringawt mai a ni, a sem ngaihna an hre vaklo a roll a kim lova. Chuvang chuan kan Minister zahawm tak hian a Deptt. hotute emaw khilayah han endik turin min tirh sak thei ang em ? Chu chu an nghak ani tunah khianin, chu chu a awmdan a khi han endik sela helai atangin, tichuan a sem pawh han sem se ka duh a.

Tin, Grape sawrna khi a khawl a buai leh ta riau in a lang a, chu chu nuai 66 hi a hma in estimate a ni a, tunah Technology Mission atangin nuai 14 an sanction thei niawm tak a ni a, a bak kha engtin nge ni ang ? a hma a nuai 66 ah kha chuan fifty fifty in State leh Technology Mission khan tum tur ang a ni a, mahse tunah chuan ani leh ta lo a ni. Chu chu anih avangin nuai 14 bak a kha engtin nge kan sorkarin an ngaihtuah sak ang ? a khawl khi mumal lo deuhin a zu zi ang a, bun mumal lovin chuvangin kan sorkarin uluk zawkin min enpui se ka duh a.

Tin, tunah khian locally in a tui khi an sawr a nia. a tui an sawr a khi khaw thenkhatah pheichuan JAC te leh midangte pawhin harsatna an lo siam niawm tak a ni a, marketing chungchangah khian, kan sorkarin uluk zawkin a channel min siam thei ang em ? thenkhat ti fuh deuh chuan leh a hmun nei tha deuh chuan nuai chuang an leitawh a, eizawna tak tak, inngah nan an hmang a ni, kuminah hian a marketing ah an buai tan ta riau a. A chhan chu ruihtheih thil anga lo class tawk an awm a, veng thenkhatah chuan an lo khap deuh a, a hralhna lamah harsatna an tawk a, chu chu kan sorkarin a marketing channel khi tha deuhin min enpui in min siamsak thei ang em ? a growers te thlavang min hauh sak thei ang em tih kan zawt tel bawk a ni.

S P E A K E R

: G.I. Wire kha chu hmanni khan Hnahlan lama kalho kha in relin ka hria a, in lo han thlir fel turah ka ngai a. Pu Saikapthianga a dawtah Pu Andrew nisela a tha ang e.

PU SAIKAPTHIANGA

: Pu Speaker, zawhbelhna. A inhlut deuh a, a chi pawh a dang. Mahse, pek ve ve anih avangin chhan theih turah ka ngai a. Ka bial Darlak zawlah khuan kuminah hian Alu chi quintal 100 pe turin commitment a puang a, mipui an in buatsaih a, nasa takin harsa takin mi Bawng te, Power tiller te hawhin lei an lai a, hmanni khan an zuk sem a quintal 13 chiah an zuk pe ta a. Chu chu kan Minister zahawm tak hian a pekbelh dawn nge ? lei lo let a, sum tam tak lo seng tawh ho kha a rullh sak dawn ? tih ka zawhbelh e.

PU ANDREW LALHERLIANA

: Pu Speaker, zawhbelhna. Horticulture Minister chhan atan - Ka bial chhunga Dulte-ah khian tun kum tantir khan Balhla chi sem a nia, he Balhla chi sem hian pawisa a keng tel a ni. Chu chu tunhnai November thla khan pawisa kha sem a nia, amaherawhchu, a thenin cheng 50 te an dawng a, a thenin cheng 1150 te, ti khan inanglo nuai mai khan sem a nia. Engtia sem nge ? Engtia pawisa hi sanction nge ti a han zawh hian a changing semtu Officer-te

khan a sum fai lawmman a ni te an ti a, a then erawh chuan tanpuina hrim hrim te an ti a. A scheme hi a chianglo em em a ni. Kha pawisa a kentela kha duh duh a sem angin a lan avangin hei hi rawn zawtchiang teh ti a min request-na ah khan ka zawhbellhna chu he Balhla chi sem hian kha a pawisa a ken a kha eng ang tanpuina nge ? A enkawl zuina tur a pawisa tanpuina, awmze nei taka rawn sem a ni nge, hei hi a lawmman ang reng deuh a Circle Horticulture Officer-in a duh ang anga a sem mai mai tur tih kha ka zawhna pakhat a ni a.

Tin, chutih rualin Sintex eng emaw zat an rawn dah tel, engtingge khi khi an ruahman dan. he sintex hianin min harvesting atan rangva a keng tel nia hriatna te a awm a, chu chu khawngaih takin kan Minister khan a sawifiah thei lawm ni, tih kha ka rawn zat e.

PU H. LIANSILOVA : Pu Speaker, G.I Wires hi hmanah kan sawi hrep tawh a, hei zawhna a lo kal leh a, hmanni a kan sawi khan kan sawi chiang lutuk lovin ka hria a, a buaina lai ber chu a wire hi arih zawng weight-a lei ani a. A rem lehna ah pawh a roll ni lovin a weight-in allotment pawh pe se, tuna kan ngaihthlak ang khan a roll then khat Kg 50, 90 te a awm a, 20 te a awm a, a roll a rem tum kha chu a fel lova kan in ringhlel tlang niin a lang a. Chuvangin a weight khan allotment pawh pe se, ala tute pawhin a weight khan la se la, a fel mai dawn lawm ni, chutiang chuan kan Minister hian a tiam thei mai lawm ni tih ka zawt e.

S P E A K E R : G.I Wire roll piah lam pawh kha chhan theih chuan chhang tel turin kan Minister i sawm ang.

PU H. RAMMAWI ; Pu Speaker, zawhna hi Hnahlan grep chungchanga a zar-na G.I wire chungchang a ni a. Alu chi leh **MINISTER** Balhla chi tih kha a inhlat deuh hlek a, Darlak kha chu Horticulture tih a ni loving a, Agriculture lamin winter crop atan bul tan ang kan tih a ni a. Winter crop anih

ka ring a, Dulte hi a bik takin Pu Andrew zawhna hi Horticulture-in model village a kan hman kan dawm chhoh mek. khawtlang pawh an tangrual a, Horticulture Deptt. in direct-in instruction an pek ang ang a hma la an nia, a bik taka kan humhalh tan, kan enkawl chhoh khua a ni a. Balhla chi chungchangah khan Pu Speaker chhanna hi kan lo inring lem lova, Grape chungchang daih anih avang khan an Balhla dawn zat a in anglo a, tanpuina dawn zat pawh a inanglo ang a, hemi hi guidelines fel tak awm sa vek a ni a. Chuvang chuan min lo hrethiam sela, Member zahawm tak bialtu khan. Hei hi chu ka lo enzui ang e.

Tin, Sintex tih pawh kha a thenah chuan tui a ngai ve a, Serthlum hmunah pawh. Khang pawh kha a farmer te nen inrawn tlangin a daihzai zawnga kalpui dan kawng Hlimen-ah chuan kan zawng a, farmer te an rinawm avangin, heng pawh hi kan lo inring lova. Ka lo enchiang ang e, nakinah member zahawm tak nen kan lo enzui turah dah ila, constructive approach anih avangin

Tin, G.I. Wire chungchang thu bawh kha Pu Speaker, thil harsa ve deuh pakhat awm chu. Entirnan - Hnahlan-ah hian 1000 qtls. pek tur a nia. a dawngtu tur chu mi 256 an ni a, mi 256 khan 1000 qtls. an insem dawn a ni. Vaiva tlangah hian 50 qtls. pek tur a ni a, mi 18 in an insem dawn a ni. Khatiang vel kha a ni a, inchen thip thep, weight inang thlapa tih chu har ve deuh tur a ni a. Amaherawhchu, khilai area ah chuan Association fel tak tak an awm a, heng hi chu a buain ka ringlo. Tin, a wire a hi tunah hian Champhai-ah kan ngah a, thawn chhoh mai tur anih lain he House a sawi tawh anih avang khan thawnchho rih lo ula, tunkar ah hian Officer rual an chho ang a, mumal taka enpui vek turin kan in ti a. Tun karah hian an chho ang a, an thawnchho ang a Pu Speaker, helaiah hian a te deuh, a roll te deuh a kha a phurh hi a lo nuam a, a phurtute hian an phur chak a, hlan zung zung hi a rem a, a lian deuh a hi a lo rit a hlan chhoh hi a lo harsa a. Chuvang chuan hei hi uluk takin kan lo en ang a, a dawngtute hian an dawng kim tur a ni. Amaherawhchu, a sem danah chuan inches khat/inches hnih a inthlau a weight kha anih avang khan hei hi chu farmer, grower association te leh kan officer te nena uluk taka tih pawh a ngai ang.

Tichuan Pu Speaker, a sawrna kha thil buaithlak angreng deuh mai a awm a. Horticulture Department saw a chingtu kan ni a. Amaherawhchu, a sawrna a process lam chu hetah Industry leh MIFCO lamte alo ni a. Anni License neite an lo ni a. Kan duh duh a hma kan lo lak ve khan min rawn question se kan buai mai dawn a. Chuvang chuan MIFCO lamte nen Co-ordination neih a tunah chuan khilai tlangdungah khian grapes kan neih thatna ber a ni a. Tin, kumin ah pawh hian hma lian zawka lak a, khilai tlangdung khaw 7 bawr vel khi chu Mizorama sawi tham, a ching duh enkawl duh, amaherawhchu, a ching duh kan tih pawh hian Department an strick a, thu tiam te an neih tir a ni. Department tih ang angin ka ti ang, a khur pawh chutiang chuan ka lai ang ti khanin in tiamkamna a awm a. Khatiang anga thinlung leh rilru taka tih tumte chu khilai tlangdung khi bawh kan tum a. A Plantation pawh hi tih zawh kan tum a. Chumi rual chuan a process lam kha alo awm ve tawh si a. Engtingge kan tih ang tih kha kan ngaihtuah lai mek a ni a. Pu Speaker, helaiah hian Member zahawm tak tak te hriat atana ka sawi duh chu process khawl kha awm ngat ta sela. Process ve ngawt sela, an process kha quality an maintain si loh chuan

PU SAIKAPTHIANGA : Pu Speaker, fiah nghal atan. Process ngawt ta sela tih kha Department in a chin tir a. Department in an tharchhuah tawh kha tunah hian chawp leh chilhin a buaipui thei mai lo em ni? La thar miah lo rate hemi zawh lawkah hian kan sawi dawn a ni a. Chuvangin tuna mamawh tawh mek khan kan Minister zahawm tak hian khatianga uluk taka thupuitling awm si lova chhang lo khan chuti chuan kan ti ang tih kha a sawi mai theilo em ni Pu Speaker?

PU H. RAMMAWI MINISTER : Pu Speaker, ka rawn chhang dawn a. Kan kal kual hlek ang a, tah khan ka rawn lut dawn a ni. Process mai kha ani lova, process hnuah a packing-ah pawh khan quality nasa takin a ngai a ni. Khatiang zawnga kalpui a ngai a, chutiang tur chuan tunah hian engtingge kan tih ang tih Pu Speaker ka Director leh ka Secretary, Officer 3, tun maiah India ramah hian Maharashtra hi grape ah an sang ber a, khatiang process na hmun a mi tih atan leh reliable company te nena in dawr a, a hmun a engkim ti turin tunah pawh hian ka tir mek a ni. Amaherawhchu, tunah tak hi chuan Pu Speaker, Champhaiah pawh nise, Hnahlan ah pawh nise, a rah lai pawhin

han kal ila, a rah hi lei tur a awm mang lo reng reng. An up vek mai a, a hlawk a, a leh lamah chuan khang kha question dawnin farmer incentive tih chhiat kan hlau ve tho a ni. Chuvangin, inhriatthiam nain farmer te prospect ngaihtuah chungin Department dang pawn hma min lakpui a. Hei hi a lawmawm ka ti tak tak a. Chutiang anga hma la kan nih avang chuan Pu Speaker, a process na lai hi chu Industry te nena tangrual a Pu speaker tha kan tih danah pheih chuan, ka duh dan chuan Department-in a process hi tha ka ti lo. A process na hrim hrim hi chu privatize tha ka ti. Amaherawhchu, chu chu hma kan la mek a ni tih kha ka chihanna a ni e.

S P E A K E R : Starred Question No. 173 na zawt turin Pu K. Lianzuala ilo sawm ang.

PU K. LIANZUALA : Pu Speaker, Higher & Technical Education Minister zahawm tak chhan atan : Higher & Technical Education Department hnuai ah heng Assistant Librarian, LDC leh Grade IV lak thar tumna a awm em ? tih ka zawt e.

S P E A K E R : Chhang turin Higher & Technical Education Minister Dr. Lalzama ilo sawm ang.

Dr. LALZAMA MINISTER : Pu Speaker, tunah mai chuan a awm thei rih lo a ni.

S P E A K E R : Starred Question 174 na Pu R. Khawpuithanga leh Pu Ialthlengliana te zawhna intawm a ni a. Tu zawkin nge han zawt ang.

PU R. KHAWPUITHANGA : Pu Speaker, Starred Question 174 zawhna chu : (a) Mizorama Serthlum tam thin hi Horticulture Department mithiamte hian a do hneh dan an hre ngang lo em ni ? (b) Ramdang mithiamte beisei tur an awm em tih a ni e. Horticulture Minister chhan atan a ni e.

S P E A K E R : Chhang turin Horticulture Minister Pu H. Rammawi ilo sawm ang.

**PU H. RAMMAWI
MINISTER**

Pu Speaker, zawhna (a) na chhanna - Hria e, Mizoram Serthlum tam kan tih hi a tir atanga enkawl that loh vang leh thil chi hrang hrang vangte a a ni a. Heti chung hian Department hian a theih ang angin Farmers field ah training/demonstration te conduct in farmers te an serthlum enkawl dan zirtir anni a. Awmzia pawh a nei hle a ni tih kha (a) na ka chhanna nise. (b) na chu - National Research Centre for Citrus atangin mithiam Scientists ten an rawn en vek tawh a. Anmahni kawhhmuhna ang a hmalak a ni a. Mahse natna serious tak vei tawhte ang tho in enkawl dam a har a, a venna tha ber chu phun tirh atanga mithiamten tihdan tur an tih ang a enkawl hi a tha ber ni a hriat a ni tih kha ka chhanna a ni e.

PU LALTHLENGLIANA

Pu Speaker, zawhbelhna - Hei ka Bial Mamit leh Kawrthah tlangdungah te leh hmun dang dangah Serthlum an uar viau a.

Hetianga inzirtirna tha a enkawl dan kan hre lo hle a, theihpatawp a ulukin an sam a, an enkawl a. Leitha te an pe a, mahse a tam tho va. A rah lai chuan a hlawk hle a, sum pawh tam tak lak luh a ni. Mahse, vawilehkhatah a tam duak duak mai a. Tunhnu a chin tum te tan pawh in ngaihtuah fe loh chuan, kum 7/8 thei puitling ani a, an beidawng chho viau mai dawn in a lang a.

Hmanni khan ka bial Mamit ah Pu Romawia ten Agriculture mithiam pakhat rawnin damdawi eng engemaw an chawhpawh a. Chumi mai an kal pawh chuan a tam tur vuai sung tawh te kha an nula thar leh thei a ni. Chutianga a Horticulture Department hian an thawh kan la hre lova. khatianga a tet lai atanga enkawl dan inzirtir a hi chu a tha a. Kan ramah hetianga lam a inzirtirna tha tak kan la dawng lo niin a lang a. Tuna Minister chhanna kha duh tawk awmlo viau in a lang a, hei aia tha zawk a beihpui thlak dan hi a awm em? A chhandam dan kawng hi awm thei in a lang a, chu chu keimahni helaiia mithiamte nen harsatna kan tawk anih pawhin ramdang mithiamte uluk zawka entir dante a awm lom ni? tih kha kan zawh chhan a ni e.

PU LALDUHOMA

Pu Speaker, Serthlum tam tirh lai khan khawthlangah khuan ka zin a, a hmuh hi ahrehawm a, thirlung hi a na ngawih ngawih mai a ni. Keipawh in ka zawt zel a. Sorkar lam hian engtingge an rawn tih che u ka ti a, tu tute emaw chu an rawn kal ve thuak thuak a, engmah an hre lo an ti zel a. Chuvangin, tuna ka hma a mi Member zahawm tak sawi ang khan hei hi chu Mau tam tur kan buaipui ang tih tih deuh hian hei aia nasa a buaipui kan sorkar hian tum thei ngei sela ka duh a.

Tin, a pahnih naah chuan Serthlum chauh hi ani lova, kuhva te thleng hian alo tam thei a. sawhthing te. Hemi atan hian thlai luman (crop insurance scheme) Mizoramah tih ve a tul a ni kan ti thin a. Thlain luman a neih kan hre lo tiin kan hotuten min sawisak fo thin a, heng Insurance Company awmsa a va insure dawn hian a to em em a ni. Kan Sorkar te nena tih tlan erawh chuan hlawk takin a tih theih a. Hetiang tam thei rama awm kan nih avang hian kan thlai chi hrang hrang atan Sorkarin crop insurance scheme mumal tak rawn duan chuan a tum em tih ka zawt a ni.

PU S. HIATO

Pu Speaker, Serthlum hi Mizoram pumpui ten eizawna tak tak a hmang an tam tawh a, tha sengin an ching a, kum 8 hnuah a rah thin a. Chutichuan a rah tawh tam ta hi hmun tinah hmuh tur a awm a ni. Latawh tlangdungah te chuan ei hmuhna khawp tlingin a rah tet lai atangin vai hovin an rawn lei vek a. Tin, Maubawk ahte, Tuirial dungah tepawh a ni a, mahse a tam ngai lohna bial hi engemaw zat a awm tlat mai a, Melriat ahte ala tam miah lova, sawlamah Serkawrah sawn ala tam lo bawh a, kum 30 aia rei a ni tawh a, a climate zir chian loh vang ani mai lo maw? Ngun zawkin a china area turte hi earmark theih a nilo maw? tih ka zawt a ni e.

S P E A K E R

Minute khat chang chang a la awm a tawite in ti ang...

PU SAIKAPTHIANGA

Zawhbelhna, Serthlum hi keipawh ka enkawl thin a. Minister min chhanna kha a lawm awm rualina dik faivek awm lo mange ka ti deuh a. A bialtu leh Agriculture Directorate ami te ka sawm thin a. kan DHO te pawh ka hnenah ka kal pui thin a. An han en thin a, a ngaihna an hre lo viau in ka hria. Mithiam leh zual India ram mai pawh nilo, ramdang mi thiam ten Research beihnan rawn hmangse ka duh hle mai a, serthlumah kan hlawhtlin chuan India mi tlukleh dingawn khat chuang kan supply thei dawn ani. Hei hi chu hmuh chhuah ni thei se chu Mizoram tan malsawmna ropui anih ka ring. Tuna kan mithiamte erawh hi chuan an la hmu pha lo deuh ani lo maw? Ramdang mithiamte hi ruai ila.

S P E A K E R

Ngawi rawh aw, kan question hour a Tawp a, Minister in han chhang zo sela Pu H. Rammawi

PU H.RAMMAWI :
MINISTER

Pu Speaker, Mizoram khawthlang a bikin Kawrthah tlangdung serthlum thatna area kha atam nasa a. Tunah pheii chuan khulaiah khuan serthlum ching leh tur hian farmer te rilru kan kai tho zo ang em aw tih ngaihtuah na a awm tawh ani. Tah hian zepthu a cheng lo. Horticulture Department hi Department thar ani a, a bikin Mizoramah hian Plant Protection leh management lamah hian chutitakin kan sang lo. Plant protection leh management lamah hian kan hniam ani. Central lam mi tunhmain kan ruai thova. Scientist te pawhin a ngaihna an hriat loh chinte a awm ve thin. Tun ni 17-ah khan Education Team 5 rualin an rawn tlawh a, kan serthlum hmunte hi Nov.18- ah khan. Regional Research Center ami bawk Scientist pakhat a hrangin alo kal leh a, an rawn vil ngun ve viau a. Khami reaction kha kan en ang a, Pu Speaker, zir chawp a ngai a, ka sawi angin plant protection leh plant management ah hian kan lo sang lem lova a tir te atanga enkawl ngun ngai te an lo ni a, chu chu tuna an hmuh chhuah hi ani. Hlimen ah hian kung singruk atanga nuaih chuang vel awm tura ngaih ani a, association fel tak an awm a, hei hi model atan enkawl bik ani a. Evaluation team leh Scientist te pawh hian an en a tha an ti khawp mai a, helai kan officer ten a bika an enkawl ani a, engatinge hei hi ti a experiment anga an enkawl ve ani. Pu Speaker, kan member te helai serthlum huan te tlawh lo kan awm chuan a hnai tho bawk a min tlawh sak ula ka ti ani. Farmer ten tam lo tur in an enkawl ani. Tah chuan Saiha bialtu sawi angin Pu Speaker, khawchhak tlangdung ah hian serthlum hi a tam ngai lova enkawl loh pawhin. Chuvangin, Saiha bialtu ina a rawn rawtna pawh kha Department pawhin an ngaihtuahna an hman mek lai ani nghe nghe ani. Foreign mithiamte pawh thildangah hian kan ruai thin a, tangkaina tamtak awm mahsela kan duh ang chiah hmuh loh te pawh a awm ve thin a, a tul chuan ramdangmi pawh kan pun zel ang a. India mithiamte hi thiam tak an ni tho a, a tul anih chuan kan pun zel ang tih kha ka chhanna ni sela.

Tin, Pu, Speaker, Crop Insurance chungchang kha tunah hian chuti takin zep chi a ni lova, he Horticulture Deptt, ka enkawl hnuah hian ka la zirchiang lova, amaherawhchu, National Insurance Scheme a kal Govt of India in a Crop Insurance Scheme a mi ang kha chu India ramah hianin an ti tawh a, tunhma khan a buaipitu ka ni a, W.Bengal Chief Minister, Joyti Basu leh Andra Pradesh Chief Minister Pu Chandra Babu Naidu te kha an object na ber a ni. Prime Minister hnenah pawh lehkha an thawn a, an lehkhathawn copy pawh ka nei a, a chhan chu a policy kaldan kha an duhlo a ni, chulaiah chuan an buai ta a.

Tin, National Policy kalphunga kha a lehlamah chuan State Sorkar mawhphurhna vek, State sorkar buaipui vek si anih lai khan a takah khan State Sorkar kha buaithlawn mai mai tur ang a ngaihna kha an nei a, a dik baw k a. Chutiang ang chu a ni a. Chuvang chuan India ramah hian engtingge an tih, engchen nge an tih State dangte pawh hi kan zir ang a. Tunah hian an document National Policy hlui kha chu ka nei vek a. Pu Speaker, MLA pangngai ka nih lai khan West Bengal ahte, Delhi ahte hei hi ka chhui a, ka zir tawh a. Tunah hian eng chen nge khalai problem kha an solve tloh kha kan la zirchiang hman lova. Hei hi chu kan han zir ang a, a cable hman theih anih chuan Farmer te protect na tur anih chuan Insurance Company tena tha an tih baw k chuan kan kalpui turah chuan ka ngai a. Amaherawhchu, a implication a kha kan zirchian a ngai a ni tih kha ka chhanna nisela. Chhan kim loh ka nei em aw ? Awle, ka lawm e.

S P E A K E R : Tunah List of Business ah kan kal zui ang a, Pu H. Vanlalauva, IAD Minister "The Mizoram Election to Village Council (Fourth Amendment) Rules, 2004" House-ah rawn pharh turin ilo sawm ang.

PU H. VANLALAUVA : Pu Speaker, ka lawm e. I phalna **MINISTER** leh remtihna in "The Mizoram (Election to Village Council) (Fourth Amendment) Rules, 2004" chu he House zahawm tak Table-ah hian ka lay e. Ka lawm e.

S P E A K E R : A copy kha han sem ni sela. Tunah ah chuan Pu Zoramthanga, Chief Minister zahawm tak Finance enkawltu "The Firs Supplementary Demand for grant for the year 2004-2005" House-ah rawn present turin ilo sawm ang.

PU ZORAMTHANGA : Pu Speaker, i remtihna leh he **CHIEF MINISTER** House remtihna in "First Supplementary Demand for the year 2004-2005" chu he House-ah hian ka rawn present e.

S P E A K E R : A copy te kha han sem nita sela. Supplementary Demand te hi BAC-in a rel tawh angin naktuk lamah ngaihtuah tur ani ang a, tunah Legislative Business-ah kan kal ang a. Vawinah hian sorkar bill pahnih kan nei a. Member zahawm tak tak te kan insanphek deuh pawh angai dawnin a lang a, a lehlamah chuan keima remruat thiamloh tak pwh niin ka hria. Sorkar hi bill pathum nei turah kan ngai a, mahsela, a last minute i ti mai ang, tahchuan Women's Commission bill kha pa li-na atan arawn lut leh hlauh mai a, chuvangchuan, House Leader te nen kan han in rawna, Session extend tur kha chuan member tamtakin programme a tawp hunah tiin an lo siam tawh bawk si a. Chuvangchuan, nikhatah hian pahnih ila kawp mai ang tiin List of Business hi hetiang hian kan han siam ta mai a. Sorkar bill pahnih kan neihte hi "The Mizoram Water Supplies (Control) Bill, 2004' leh' The Mizoram Oil Palm (Regulation of Production and Processing) Bill, 2004' ani a. Tichuan, ka sawi hmasak zawk hi kan la hmasa ang a, chumi hnuah chuan a dawt ami hi kan ngaihtuah leh dawn ani. Tunah Pu Tawnlulia Minister zahawm tak chu ' The Mizoram Water Suplies (Control) Bill, 2004' House-ah introduce turin I lo sawm ang.

PU TAWN LULIA MINISTER : Pu Speaker, 'The Mizoram Water Suplies (Control) Bill, 2004' House-a introduce phalna ka rawn dil e.

SPEAKER : Awle, House-in kan rem ti em ? (Member ten 'remti' an ti a,) Awle, House-in kan rem ti a, rawn introduce sela a tha ang e.

PU TAWN LULIA MINISTER : Pu Speaker, 'The Mizoram Water Supplies (Control) Bill, 2004' he House zahawm takah ka rawn introduce e.

S P E A K E R : Awle, a copy hi sem tawh a ni a, kan danin a sawi angin ni li Chiang bal ral hma in Member tinte hnenah sem a ni tawh a ni. Chuti anih chuan tunah hian kan Minister zahawm tak chu a bill hi House ngaihtuah turin rawn move mai sela, a tha ang e.

**PJ TAWNLUJA
MINISTER**

: Pu Speaker, ka lawm e. Hei wawinah 'The Mizoram Water Supplies (Control) Bill, 2004' chu House zahawm takah

ngaihtuah turin ka rawn move theih avangin ka lawm e. Kan hriat theuh angin tui hi mihring nun atan a pawimawh a, thlai te thil nung zawng zawng tan pawh a pawimawh a. A bik takin mihringte hi a tel lova kan awm theih loh a ni a. Chuvangin, Sorkar pawhin mipuite tui in tur tui thianglim tam tawh pek hi a tir atangin kan tum reng a. Hei kum tam tak a in chherchhuan tawh hnu pawhin tun hnu hian water supply chungchangah hian kan duhtawh chuan mipuite hnenah kan pe hlei thei lova, sorkarin dante a lo siam tawh thin a, kum 1991-ah Mizoram Water Tariff Act sorkarin a lo siam tawh a. Kum 2001-ah The Mizoram Water Tariff (Amendment) Act a lo siam tawh a. Khang hrang hrang hmang in tuna kan kal lai mek ah khan water supplies tur chung chang hi a keng kawh ani a. Mahse, mihring lo pung zel te leh tui kan mamawh belh zelte en hian kan dan dinglai hi siam rem that angai ta a hriat anih avangin a thar hlakin 'The Mizoram Water Supplies (Control) Bill-a ahming vuahin kumin 2004 Budget Session ah hian kan rawn pulut thei ta a. Vawin nia member zahawm tak tak ten ulik taka he lai hi min sawi ho pui ngei pawh kan beisei ani.

Pu Speaker, kan dan hmanlai kan sawi tak te kha han en hian kawng tam taka han siam rem ngai a awm a. Tin, kan amendment ngaite pawh hi han thlar ila chulmam ngai tam tak te a awm lo thei lova. Chuvangin kan dan dinglai te zawng zawng han repeal-na tur khan in Mizoram Water Supplies (Control) Bill, 2004 hi kan ruahman chho ta a. Kan dan hmanlai mekah khan Water Connection pawh kha kan thliar hrang em em lova, kan hmanlai mek chhungah pawh hian han thliarhran te a ngaiin ka hria a. Chumi awmia chu kan bill tharah chuan water connection kha permanent connection leh temporary connection leh casual water connection ah te kan thliar hrang thliar thliar a ni.

Tin, kan dan dinglaih hianin kan hmanlaih hian Water Tariff rate te kha a amount fixed a awm a, kan rules ah hianin chu chu a chuang tel bawk a, a inbukthuah deuh ti tih nen. Tin, Act a water tariff rate han bithliar khan amendment a lo tul ta a, sorkarin mahni hmun theuh zelah khan i ti tlem deuh ang, i ti pung deuh ang tih kha lo tul ta sela, heta sorkarin a ti mai thei lova, House Session a kha nghah zel anih dawn chuan a buaithlak thin a. Hmanni a Revenue Deptt. in a bill a rawn putluh ah pawh khan hemi a rate tur Land Revenue rate tur

.....930/-

a kha chu rules ah siam nise tih kha dah a ni a. Chutiang chuan kan dantharah hi chuan heta dan hluia tariff rate fixed sa awm a kha rules lampang a han siam theih turin siamrem chhoh turin ruahman a ni a.

Tin, thildang lehah chuan tuna kan hmanliah hian sorkarin mipui vantlang tana tui in tur a hman theih te, resource na tur provision a hi a awm lo a, chumi awmzia chu luidung emaw, khawimaw laiah dil tha deuh emaw anih loh leh tuihna tha deuh emaw kha sorkarin hauh tlat theihna 'Hei hi sorkarin mipui vantlang tan kan hmang dawn a ni tuman hman a rem lovang' tih anga hauh theihna a kha a reserve na kha kan nei lova. Tunah hian khaw thenkhatah tui a tam em em mai a, khaw thenkhatah tui lak tur a lo awm lova, an ramchhungah khanin. Chuvang chuanin khua leh khua tepawh kha an in tibuai lek lek mai a. Kha a dan tak mai han tlawhchhan tur leh han sawihona lai tur a humhalhtu tura kha ruat loh chuan a buaithlak thin a, chuvang chuanin dan tharah hi chuan khatiang ang public tana tuihna tha, tuikhur emaw, dil emaw, luidung emaw han reserve theih bikna kha a provision siam a ni ta a. Tin, emergency thilah te, chhiatrup thilah te khanin tui vantlang in tur bik atana han reserve theihna tur angte pawh kha helai dan tharah hi chuan siam a ni chho ta a, khatiang ang khanin a hlui a kan hmanlai kan dan dinglai a han awm lo te, han belhchhah famkim deuhna te a lo lang a.

Tin, tuna kan hmanlai mek danah hian chuanin water connection hi hmunkhat atanga hmundanga transfer theihna kha a dan a awm lova, hemi kan ruahmanna tharah hi chuan water connection transfer theihna kha a awm a ni. Consumer te mawhphurhna tepawh kha hemi dantharah hi chuan kan han siam a. Entirnan - Consumer te khan khami water connection a material, a pipe emaw thildang eng engemaw kha an venghim tha tawk ve tur a ni kan pek ang chin chin hi chuan, consumer hnenah hetiang hian mawh kan han pe ve a.

Tin, adang lehah chuan dan bawhchhiate hremna provision pawh kha hemi dantharah hi chuan a awm a, a hma ah hi chuan a awm vak lova. Chutiang chuan heng kan tui lakte a man a tam a, pipe te thui tak tak a kal a, public point kan tih public in vengchhunga kan draw na bikte a awm ta a, khatiangah khan a lo ti chingpen duh leh lo tichhe duh tam tak a awm theih a, chutiang ang han hremna emaw, han tihdan te chu tah hian ruahman chhoh a ni ta a. Chutiang chuan kan water supply

tihdan tur phungah te, a control dan turah te khan dan kha kan han ti chho a, hemi hnuaiah hian rules siam a ni ang a, chutiang chuan water meter pawh connection tinah vuah niin tui kan pek ate a zat chhinchhiahna tha tak turin tih nise tih kan han ruahman bawk a ni a. Wawiinah hian Pu Speaker, chu chu a tlangpuia kan sawina ni mai sela, wawiinah member ten he kan bill han putluh 'The Mizoram Water Supplies (control) Bill, 2004' hi min ngaihtuah pui a, favourably a a result pawh hemi kan bill putluh ang hian a awm kan beisei em em a ni. Ka lawm e.

S P E A K E R

: Sawihona kan chhunzawm ang a, tunge sawi hmasa ang ? Bill pahnih kan nei tih kha kan rilruah awm sela. Nidanga kan hun ang tho, Bill kan sawi ang tho minute 10 inpek ni sela a tha in ka ring deuh a, tha kan ti tlang mai em ? anih Pu Liansuama ilo sawm ang.

P U L I A N S U A M A

: Pu Speaker, Session hmasa khan Law Deptt. ah emaw, Assembly-ah emaw hian tiang dan draft chungchanga enfelpui tur hi awm thei se a duhawm mange tih ka sawi tawh a. Mahse, hun a la reilo deuh bawk a ni ang a, chung chu ngaihtuah a la ni lemlo in ka hria a. He kan dan..... (P U H. R A M M A W I : Pu Speaker, Law Deptt. ah hian hmahmanni atang khan khan kan nei tawh) Awle, a lawmawm anih chu. He kan dan ngaihtuah tur mek Mizoram Water Supply Control Bill hi kan hmu hma bawk a, ka zir ngun ang reng a, dan lam thiam hle chu kan ni lo na a, a drafting hi a chhe em em mai a ni. Chuvang chuan tlem tlem han sawi hmasak ka duh chu definition a (d) person means a natural person an it shall includes artificial or juristic person tih te kha engtihna nge ni ang aw, dictionary leh rawn awm awmte kan rawn thin a, artificial leh juristic person chu danhremi anih kan hre mai a, artificial person khan engnge a mean tih te ka ngaihtuah hian a duangtute hian an rilruah chuan engemaw chu a awm ngei ang a, mahse hetilaia kan drafting wing te tehreng pawh chuan hei hi an hmuh hmah em ni. He House zahawm taka han lekchhuah atan chuan a zialo deuh mang e aw ka ti a.

Tin, chutiang zel chuan Act/Bill kan hmuh tawh reng reng Assembly emaw, Parliament emaw a draft ah hian a text ah hian etc. tih hi ka hmuh ka hre ngai hauhlo. Chu chuan engnge a mean ang. Entirnan - Section angin sawi mai ila, sub-section 3-naah purposes of water supply made by the Deptt. shall before human consumption such as for drinking, cooking, bathing, washing, utensil etc. engchin kha nge etc. khan a huam ang. A chhan chu punishment kha hetah a rawn huam leh si a. hei hi House atanga min rawn pek kha chu a ni si a. (PU TAWNLUIA: Helai hi kan chhiar teh ang aw, purposes of water supply made by the Deptt. shall be for human consumption such as for drinking, cooking, bathing, washing, utensil, etc.) kha tak a kha etc. kha a fiah si loh chuan a hnuah hian punishment provision a awm si a. Chuvang chuan etc. khan khawichin nge a huam ang ? Chuvang chuan dan siam reng rengin etc. kha a awm thianglo tluk a ni a. Chuvang chuan a Deptt. hi ka zu mawhpuh ngawr ngawr lova, kan Law Deptt. te pawh hian an vet anih si chuan hetiang tur hi a ni dawn em ni ?

Tin, adang lelah chuan section 3-na sub-section 1-ah khan an duh chipchiar a. rule ah te chuan awmse thu hran a ni a, subject to the fear in ability or suitability for the arrangement of water connection by the Deptt. by lay galvanised iron pipe colvanised anih tur leh tur loh te chu a rules te chuan prescribe ta se, a awm viau a, chuvangin kan Engineer lam te hian galvanised iron pipe kan hmang lo ang tih an hlauh vang nge ni an supply lo chu kan hmang ngai vak lova, kan point chu a tlangpui thu in a drafting hi a pawr deuh hlek a ni.

Tin, Financial Memorandum ah kan kai daih ang a. He Bill hi kan dan ina a sawidan nen a zuk chhut chuan Finance Bill a ni a, pawisa khawnna tur anih avangin a tel avangin. Tah chuan extra expenditure a awm loving tih ang tiatin helai ah hianin financial memorandum ah hian kan hmu a, section 10-na ah khan water meter vuah vek tur a ni tih a sawia, tah chuan hemi atan hian cheng nuai zathum sawmparuk hman a ni tawh tih Minister zahawm takin zawhna chhanna-ah a lo pe tawh bawk a. Chuvang chuan khalai bawr te pawh kha he dan hi Act,Bill hi Act-a alo tan chuan senso chu a awm ang a, mahse a consumer te hnenah hmuhlet leh tur a awm ang te tal chu tih ni awm tak. A Financial Memorandum ah hian extra expenditure a awm dawn love tih ang tiat ani deuh ber mai a. Chuvang chuan, Financial Memorandum an buatsaih dan pawh hi a diklo deuhin ka hria.

Tin, Pu Speaker, Indian Penal Code ang deuh maiin section 17-na han en te hian offence hrang hrang kha a rawn sawi ta diah diah a, ka rilru te te in hei hi chu amendment thehlut ila a tha awm mange aw, ka ti a. Mahse, kan zir chian deuh khan a bul atang hian amend tur kha a tam ta lutuk a. helai hian section 17-ah khan sub-section 1, 2, 3, 4, 5 ah khan offence hrang hrang leh punish dan hrang hrang a pe chho thliah thliah a ni. Hengah te hi chuan mawlte in 'whoever contravene the provision of this Act or the Rules made there-under shall be punishable with fine which may extend to one thousand rupees or with imprisonment which may extent to six months or with both' ti ta ila, a dang zawng zawng kha a la famkim vek a ni. Chuvang chuan, hetah a hmalamah khan tun emaw a pawisak lova, pipe a tihchhiat chuan emaw, tui kha engemaw a hman chuan khami punish-na tur atan khanin tah hian section a rawn siam ta a, chuvangin hetiang danah reng reng a tlangpui thu in penalties ah chuan he dan chhung a mi leh rules la siam turte bawhchhia an awm chuan hrem theih an nih dan tur kha a sawi mai a. Chuvang chuan section-a a clause by clause-a a offence leh a punish dan tur siamthar thliah thliah hi chu a penal code pianzia a ni a, hei hi chu hetiang water control supply bill ah hi chuan a ngai lem em ni ? tihte ka rilru ah alo lang a. Chutiang chiah chuan kan Minister tan pawh hian a tlawmngaih thlakah la lose, keini politician hote hi dan a draft tu kan ni lova, hetilaia a rawn lekchhuaktu kan ni mai a, chuvang chuanin a pawr ang reng khawp mai a, engtia tih tur nge ni ang aw, tih kha ngaihtuah a ngai viau in ka hria.

Tin, water a spirit hrim hrim hi PHE Deptt. hi Education Deptt. te ang bawkin Social Service Sector a mi a ni a, a financial memorandum ah hian kum khata kan water supply scheme te enkawlna atan hian vaibelchhe sawm lai hman anih lain tui bill atang chuanin 10% pawh kan hmu let lova a tih hi Education atanga pawisa hmuhlet kan beiseilo ang deuh thawthang anih avang hian he bill spirit hrim hrim section-10 na alo lang water meter kan sawi kan sawi, vuah tumna dan a min nemngheh tir tumna niin alang a. Chuvang chuan protest chi niin ka hre hrim hrim a, hengte chu entirnan - subject to the provision over the law for the time being in force the Deptt. shall insure amount of water tepawh hi duhdan chuan quantity of water te pawh ni dawn sela, a tha zawk mah lawm ni chu aw ka ti a. Khatiang te te, hemi dan water meter chutin khatin vuah a ni ang a tih duah duah ai hian khatiang zawng khan mawlte in a siamthat theihin a hriat a.

Tin, Water Meter han sawi takah chuan a sawilan a remchang bawk a P.S. Enterprise water meter supply-tu kha kan han chhui chiang deuh a, Power Deptt. a hnathawk alo ni der mai a, Chanmari a mi, T. Sanghmingthanga. Tichuan, sales tax a registration No. 798 AMZ 7.12.2001 a ni a, an lo cancelled tawh bawk si a. Stationery Supply-tute C.Form kha a hmang bawk si a, chuvang chuan avai hian a butu vel vek mai hian a hriat a. Sorkara hnathawk mekin nuai 316.00 man water meter a supply a, a bill pawh kala vek tawh a ti a. Chumi in hmanluih tir tumna bill vawin ni a tawp em em mai bawk si kan ngaihtuah hi chu he House zahawmna nen hian inhmehlo riain ka hre ve tlat mai a. Chuvang chuanin, Pu Speaker, enthat leh a, a thu kalhmang tepawh hi a in lalawn nalh deuh a siam a tha lawm ni ? casual water connection te, temporary water connection han hrilhiah dan tepawh hi miin thlakhat aia reilo emaw thlathum aia reilo chung chuan water connection, Deptt. remtih angin a nei thei ang tih mai te khan a tawh mai lawm ni aw, chuvang chuan he hill hi draft that leh a, hun remchang te ala awm anih chuan kan dan hmanlai nichina kan Minister zahawm takina a rawn sawichhuah hmang khan hei chen hi kan lo kal tawh bawk a, ala hmanhmawh thlak teh lua em ni ?

Tin, chu chang chu a ni lova, tui supply te hi an chhe ang reng khawp a, kan session tirh khan hei kan session dawn a min rawn pe hlah emaw ni ka ti a, helaiiah hian ka sawichhuak tawh a, he bill kan sawi dawn vang hi aniang chu nimin khan min rawn pe a ni 13 danah. Chuvang chuan control tur pawh hi ala awm bar loh hi Aizawl-ah meuh pawh hian. Chuvang chuan, dahthat rih mai kha tha in ka hria a, kan sawi hmasa a ni.

S P E A K E R

Tunge han sawi leh ang ? A tir lamah hian kan ngawi thup a, a tawp dawn lamah hianin kan phar leh deuh suau mai a. Pu Lalduhoma.

.....935/-

PU LALDUHOMA

Pu Speaker, kan sawi hmasa mai ang e. Hei hun min pek te hi kan kham vak loh changte a awm zeuh zeuh a, kan hman senloh changte a awm bawk a, kha kha han chawhrual chuan i thu kan awi tha viauin ka hria a ni.

Vawiinah hian Legislator ten kan tihtur dik tak mai dan siam kan chai dawn a, hei hi kan hna pui ber tur a ni reng a, lawmawm ka ti a. He Bill hi ka study chiang em em lo na in pawimawh ka tih lai chu section 16-na catchment area protection chungchang an rawn ziah hi lawmawm ka ti em em mai a. Tlawng lui te pawh Aizawl mipui ten kan tlan mek a catchment area venhimna la awm lo niin ka hria a, ka hriatsual loh chuan. Heng kan tui tlan, a lui kam tuak thui tak mai hi ngawpui ni sela, tha takin sorkar hian humhalh ila, a tul chuan acquire ila, mahse, acquire sawi rikte pawh hi a nuam lova, VCP ten huan pass an pe thei lo tih kan hre reng a, chuti chungin V/C pass pek a nuai 90 chuang pek leh mai an ching ang tih chu ka hlau khawp mai a. Engpawh nise, a protection hi a pawimawh em em mai a, helai provision a rawn chuang hi lawmawm ka ti khawp mai, tha taka humhalh leh kenkawh that tul lai ber pawh niin ka hria a.

Tin, engvangin nge dan hi kan siam thin ti a general taka kan ngaihtuah chuan hemi chungchangah pawh hian dan 3 lai kan lo nei tawh a, vawiinah hian khang zawng zawng aiawh tur kha siam a lo ngai leh ta a. Dan hi kan siam laia tha ni a kan hriat, hun inher zel leh khawvel changkanna kal chak avanga tih danglam loh theih loh te hi chu a awm a, a chhan dang lehah chuan a tira dan siam laia an lo uluk tawh loh vang leh a lo fel tawh loh avanga amendment tih leh ngai te, dan thar siam ngaite hi a ni fo bawk thin a ni. Tunah pawh hian kan dan kal tawh a te hun inher avang lam ai mahin a tira an lo siamthat tawh loh avanga he dan thar hi neih tul ni ta in a lang a. Chung kan dan hluite pah a, dan thar tha zawk kan buatsaih lai mek hian tha vak chuang silo hi kan siam leh ang tih ka hlau tlat a ni. Chuvangin, hmanhmawh loh hi a Minister zahawm tak pawh hian hrethiam se, hei aia tha deuh zawka duan anih theih nan Select Committee ah refer te nise, thla hnih khatah chuan kan peih tho tho ang a, kan hmang mai tho dawn a, nakin lawka kan sawisel leh tur leh amend ngai leh tur hi vawiinah hian kan pass palh ang tih hi kei ka hlau khawp a.

A wording hrim hrim hi kan chhiar a, a essay type em em mai a. a constitutional language lo hrim hrim mai a ni. Women Bill min rawn sem te kha kei ka lo en a, mawi hi ka tia, a nalh hi ka ti khawp mai a. Vawina kan bill chai hi chu Bill reng reng hian wording leh language hi a nei hranpa ve a, kan bill chai lai hi chu a standard a hniam hrim hrim mai a, sawi a hrehawm viau na in. Statement of Objects and Reasons te hi Bill kan han chai reng reng a Legislator ten kan en hmasak thin a nilo thei lova, idea min pe hmasatu a ni a. Objects & Reasons-a a sentence hnuhnung ber hi tunah pawh kei ka hrethiam chuanglo reng reng a. 'This Bill is prepared as effective and efficient management of distribution of water to the public' tih a ni a, enge sawi a tum ka hre chuang reng reng lo. Khatiangte kha a ni a, tin, etc. tih Phuldungsei bialtu member zahawm takin a sawi kha section 19-na a heading ah pawh a la awmzui zel mai a. Khatiang ang kha chu kha maiah lo pawh khan a la awm nual mai a, hengte hi chu a kalhmang tur a nilo a ni.

Tin, section 10-naah water meter chungchang heti tak maia a Act a chuang tura han duh viau mai hi hetiang nepnawi thleng thleng hian Act ah hi chuan a lang tur em ni aw, a Rules lamin a sawi mai atan a va tha em ka ti a ni, awmlo atan ka duh deuh a ni. Section 10-na hi chu awmlo mai se, a bill ah hi chuan. Tin, a awm hi kan duh viau anih pawhin tuna meter vuah an duh lutukna rilru hian he bill drafting hi a khawih lutuk niin ka hria. Awm atana kan duh anih pawhin ka duh dan chuanin, 'the Deptt. shall effects such water meter to the pipe or pipes of every individual connection' han tih laiah 'the Deptt. shall' han tih em em hi chu 'shall' hi 'may' tih talin thlak ila a ziaawm ang tih ka ring a. Dan tha kan duh a, kan Minister te kutchhuak an mahni kan hriatrengna tur pawh a ni a, mumal deuh hlekin, Chiangkuang zawka ennawn leh atan Select Committee a refer te te a, chuta lungdam deuh zawk a kan pass tlan chu tha in ka hria. A Bill hrim hrim hi chu kan mamawh, a tul, an rawn buatsaih pawh hi lawmawm ka ti. Hetianga Dan hlui hman theih tawh loh thlakna tur a thar an rawn duang pawh hi tha ka ti a, lawmawm ka ti em em. Amaherawhchu, tuna anih ang ang hi chuan pass rihlo deuh ila, a phuailuai ennawn leh se Select Committee ah emaw lut ta mai se, tih ka han rawt a ni.

Han sawi takah chuan kum 2001 kuma Tuisemna Bill kha Kawrthah leh Tuidam vel thingtlang khua leh hmun tam takah sorkar hian a lo la ba reng mai a lo ni a, a rei lulai tawh a, heng hi bill sawi a zarah hian kan Minister zahawm takin min lo bengvar zui thei se tih ka duh thu kan tarlang pah bawk a ni. Ka lawm e.

PU ZODINTLUANGA :

Pu Speaker, ka lawm e. Kan Minister zahawm takin 'The Mizoram water supply control Bill, 2004' he House ah pass pui turin a rawn

pulut a, he House a Bill putluh te, Dan siam te tha ka ti a, kan tih turah pawh ka ngai a. Khawbung bialtu sawi tawh ang khan. Mahse, kan sorkar hi tui bill rawn pulut tlak an ni em tih ka ngaihtuah a, tui lah chu kan hriat theuh angin karkhatah vawikhat emaw a vannai deuh chuanin kan hmu a ni a. A tam zawk phei chuan tui hi kan harsa em em mai a, kan Ratu bialtu zahawm tak an chhen vengah phei chuan hetiang control-na bill phei chu a relevant vak awmlo mang e, ka ti deuh a. Hetiang bill kan putluh hma hianin engtingge mipuite tan hian tui hi kan ngaihtuah hmasak ang aw, tih hi ngaihtuah hmasak tul zawkin ka hria a. Hei Aizawl Greater Water Supply Scheme Phase-II te phei hi chu kan ti chingpen zo vek tawh a ni mai a, an thawkzo dawn nge engtingge pawh hriatloh C & AG report ah phei chuan Pu Speaker, an thawh zawh hi beisei loh a ni a, an thawh dan lah hi fur lain kawng an han lai a, a diak em em mai a, thal an ni a, an chawl leh thup mai a. an hnathawh dan te hi en a ngaiin ka hria a.

Hei, vawiin niah pawh Khatla chhoah tepawh pipe saw a hnawk em em mai a, thlaithar zuarte kawngsira awm hnawk kan ti a, Police-te nena kan umdarh lain sawtiang pipe lian tak tak awmte saw kan sorkar hian ngaihven sela dahkhawm tur dan tal, hna an thawk dawn nge dawnlo, an thawk dawn anih pawhin thenfai dan saw chu ngaihtuah hmasak tulin ka hre bawka. Tin, he bill lo chhuah dan hi meter box cheng nuai za tam tak han approve na tur maqi hi a ni em aw, tih te ka ngaihtuah a. A Bill body chhungte hi han keu ila kan hrethiam vak lo na chungin 4 (2)-na hi kan sawi ve lawk duh a. 'Any phase or new water connection may not be sanction to any man or building etc. after this connection of the provision water connection until and unless the previous use' tih a inziak thla teuh mai a. A bu kan nei vek a, hengte hi a diklo in ka hria a. Hemi in a a rawn tum ni a ka hriat ka lo zir ve dan chuanin tui connection lo nei hmasatu-ina tui bill a lo pek loh chuan midang pawh awm sela a building thar pawh thlak sela, kha mihring tharte khanin tui connection kha an nei thei dawnlo reng reng tihna niawm tak a ni a, heng te hi tullo viatin ka hria a.

Tin, casual water connection an rawn tihna a mi pawh hi a that viau rualin Veng thenkhatah hetiang ang a inneihna te emaw, kohhran thil emaw a tui an pek vang a, a veng pum mai a tui pek theih loh ang chite kha a awm kan hria a, khang ang te pawh kha fimkhur deuh a tha in ka hria a.

Tin, 7 (4)-na kan Minister zahawm takin a rawn sawi lai kha (4)-na hi a tha lo riauin ka hria. A vawiin ka sawi loving a, 'No person organization or any other Govt. Deptt. shall be entitled to make any objection if the Public Health Engineering Deptt. decides to make such creation, installation or outlet from such a place or places as the case may be, save and except the private water bodies if any' te an ti ta a. Hetiang hi chu a dictator lutuk deuh emaw chu aw ka ti ta a. Hei vawiinniahte pawh Aizawl khawpui chu sorkarin tui min pe thei lo a ni a. Kan tui lakna ber chu private-in catchment area te, tui dahnate an siam a. Khatiang ang khan Aizawl khawpui hi min chawm a ni deuh ber tawh a, private-ho hian. Kan department khan an tuikhur siam tumna ang chite kha va duh dawn ta nisela he dan hmang hian an va chuuh sak tawp thei mai dawn tihna a ni a. Hei pawh hi tha lo riauin ka hria a. Tin, nichinah khan Phuldungsei bialtu zahawm tak khan a rawn sawi tawh a. Ka ngaih pawimawh leh pakhat "There will be no extra financial demand owing to the enactment of this bill" a rawn tih lai pawh hi a fel loin ka hria a. Kan hriat theuh angin hemi bill kan put luhna tur atan hianin clause 10-naah hian meter box vuah tur a ni a in ti a. Khami meter box kan vuah dawn si chuan pawisa tam tak kan seng dawn a ni a. Chutiang a nih si a tam tak kan sen si chuan engatinge extra financial demand a awm loving a tih ang chite hi a inhmeh lo deuhin ka hria a. Chutiang ang chuan tam tak sawi fel tur leh mumal lo deuh tak tak nichina an rawn sawi tawh ang khan tam tak hi siam that ngai mumal lo deuh te a awm a. Hetiang bill meuh hmanga kan Minister hian engatinge tun ang hunah hian bill-te a rawn put luh aw ka ti a. He bill hi kan pass dawn nge dawn lo tih kan hriat hma a meter box hman tur tihte kan han lei lawk teuh maite hi a mak ka ti a. Kan bill-ina meter box vuah ngei ngei tur a ni tih pass hmain kan mamawh zat anga kan ngaih tawhte Rs.319 lakhs dawn lai mai kan han leite hi a inkalh hlein ka hria a. Party hrang hrangin-a meter box that lohziate kan han sawi lai khan kan Minister zahawm tak khan Press mite a ko khawm a. Chuta a pawisa sen tawh pawh kha Rs.2,93,03,032/- ti khan Press mite hnenah khan. Tunah hian Assembly zawhna a rawn chhanna-ah

khan Rs.3,19,35,387/- lai senso a ni leh ta der mai a. Hengte hi Press nite hmaa a thusawi kha nge dik zawk ang, he House zahawm taka a channa te kha a ni a. Hemi hun chung tawite ah khan Rs.17,00,000/- man hi an lei belh leh ta mai em ni? Tihte kha thi fello tak mai niin ka hria a. Pu Speaker, hetiang ang bill fello tam tak a awm avang hianin kan la siamthat leh duh a, la nghah that leh a, a draftingte pawh kha han sian tha leh deuh sela, a tha mai lawm ni? tih kha tawi tein ka rawn sawive a ni e. Ka lawm e.

SPEAKER : Pu Andrew Lalherliana.

PU ANDREW LALHERLIANA: Pu Speaker, ka lawm e. Vawinah hian hei Bill kan ngaihtuah tur 'The Mizoram Water Supply Control Bill, 2004' hi kan Minister zahawm takin a rawn putluhna chhan hi chu tha ka ti a, awmze nei taka water supply te distribute semzai anih theihna tura dan fel tak a rawn siam a. Tin, nichina Ratu bialtu in a rawn sawi ang khan tui thianghlim kan neih theihna tura a catchment area te kan neih dan tur lamin rawn buatsaih a ni a, a tum hi chu tha ka ti a ni. Hemi tum tha tak mai anih lai hian hemi a tum phenah hian tum tak tak zawk a awm emaw ni chu aw tih tur ang te a awm a, ka la rawn sawi zel ang a.

Phuldungsei bialtu MLA zahawm takin a sawi ang khan a language chungchang thu ah sawisel tur a tam hle a, hei hi dan tawngkam a ni lo tih hi chu a chiang a ni. Chutah chuan a vaia repeat lovin ka rawn thlawp e, tiin duhtawk mai ila. Mahse, a bill in a tum tak water meter thu chiang takin section 10-na in a tum, a heading ah hian dik tak a hman zawk mai awm tak tih ka rilru-ah a awm a. A tum tak chu a heading-ah hmang mai se. Entirnan - measurement of water supply tih ang te in, water meter a title-a a hmang daih mai a kha tihdan ni in ka hre lova. Chu ai chuan measurement of water supply ti rawh se. Meter vuah hi a tum tak tak a ni a, a heading ahte a hman daih chuan tha ka ti lova. Entirnan measurement of water supply tiin a heading awm ta zawk se. Khatianga heading measurement of water supply tih headinga hmang khan 'The department shall take necessary step as it deems fit to determine the quantity of water supply' tihte kha awm nisela, a tum tak tak kha a keng daih zawk niin ka hria a.

Chu aia fel zawk leh tawngkam tha zawkin dan hremite pheii chuan an duang tha zawk thei ang tih ka ring a. Amaherawhchu, water meter han tih tawp mai headinga hmana a hnuai thui em em maia a rawn ziah ang hi chu a fello riauin ka hria a ni. Tin, Pu Speaker, a hma pawhin kan sawi tawh a, The Standard of Weight and Measures Act, 1979 Parliament dan siam ngei hnuai ah hian General Rules rawn siam chhuah Part IV, Water Meter Domestic type tih clause hnuai ah hian explanation hetiang hian a rawn ziah a "For the avoidance of doubt, it is hereby declared that the water meters are intended to be used where the supply of water is continuous. Consequently, the water meter should not be used where the supply of water is discontinuous because in such a case, the meter is likely to give a wrong reading on account of the passage of air through the pipeline", a ti a ni. Chuvang chuan Central Act hnuai ah dan rawn siam hi a meter hman hrim hrim Mizoram ami nen hian a in contradict-in a lang tlat. Chumi anih si chuan engatinge ani pawh hi kan Minister zahawm tak khan hmanni zawhna a channa ah khan hei hi Chiang kuang takin a tehna te nen kan check fel ang a, chutianga hmuh chhuah anih hunah kan hmang ang, ti khan a sawi a? Chumi chungchang thuah chuan engeni an exam dan leh an test result pawh hi la tih chhuah a nilo a ni.

Tin, hetiang hian measurement dik tak lak dawn hian Indian Standard of Weights and Measures Act-in a rawn sawi chhuah a hetiang test-na hmun tur hi a hnai ber chu Kolkata a ni an ti lehngal a. Kolkata ah zu check-in emaw Kolkataa mite kha a checktute laboratory kha helai hmunah ko chhoim Mizoram ah hian a hman chi em tih hi a dik leh dik loh check tir tur awm tak a ni. Chumi anih si lova hman tumna ngawr ngawr mai hi a rem lo a ni. Sawi tawh ang khan India ram Constitution Act 251-na khan a sawi chu Parliament dan a siamte reng reng leh state-ina dan a siamte hi inkalh a awm chuan a inkalhnaah chuan Parliament dan siam a lal zawk ang a. Hemi a inkalhna lai thuah tak hian state dan siam hi a in operative ang tih a sawi a ni. Chumi zulzua siam chhuah leh Rules tuna kan dan siam tur hi a inkalh ngal a ni. Chungte chu kan ngaihtuah chian hian Parliament dan siam hnuai ah Rules siam nen a inkalh lehta ngal si a. Chuvangin, kan pawm dawn pawhin, a nihna takah chuan rawn amend-a a matter hrim hrim Standard of Weight and Measures Act-

ina hman a phal lohte ngei hi headinga rawn chuan tir kher lo hian nakinah a rules ah engtin emaw rawn zeh luiha measurement dik lote a ia thei dawn a nih chuan a Rules ahte tha taka siam theih a ni ang. Acta Chiang em em maia Central Act kalh kan tihlan pawh hi Parliament dan siam zah lohna ang tlat a ni. Chuvangin, tun tumah hian khawngaih takin, nakinah kan pass loving tihna nilovin chu Central Rules-te ngai pawimawhin amendment fel takin nachina kan MLA zahawm takte sawi angin tawngkam siam that bakah Central dan hi zah tak anga langa helaia tilang lova a siam dan awmse chuan kan pawm thei tlang chuan ka ring. A chhan chu provision tam takah hian thil tha a chuang telve tho. Khangte kha hman kan duh a ni. Kan sawi ang khan he dan siam hma a water meter kan lo nei vak mai a ni a benefit-tu enge kan tih chuan water meter kan lo lei vak mai a ni. Contract hlawkna duhin registered supplier sawi dan chuan, he supply atang hian a senso hi nuai 50 vel chauh a ni ang a, a hlep zawng zawng hi nuai 250 chuang help a awm a ni tinn a sawi a ni. Kan interest zawk chu kha meter supply kha a ni a, chu chuan he dan hi a rawn hring niin a lang tlat mai a ni. Kha vang khan han ngaihtuah hian mipuite hnenah he meter hi dik lo taka hmanga bill hi sang tak tak pek tur a nih phei chuan a pawl dawn em em mai a ni.

Tunah hian Mizoram Consumer Union hian water meter chungchang ah hian a dik leh dik loh an tehve a ni. Chumi an tih chu an member pakhatin a sawi dan phei chuan, Kulikawn bul Tlangnuam atanga tui rawn chhuk Kulikawna an rawn thei khan actual quantity of water leh a metera lang pawh kha a inang lova, a tui tak rawn chhuak ai khan a meter a kawksang daih mai. Hei pawh hi nakina Courta kan inkhin dawn chuan kan evidence tur a ni tih sawi rik a awm tawh a ni. Central dan hnuaia rules nen a inkalh a nih phei chuan kan la inkhing dawn a ni. He dan kan rawn siam hi i hnawl ang tih lam nilovin, sorkar hi a lo inven thiam zawkna turin he dana (inconsistency) inmil lohna hi siam that a nih theihna turin withdraw leh sela, fel takin a rawn siam leh se. Chutianga chuan helai hmunah rawn pharh leh nise, sawisel vak ngai lovin. Select Committee-ten an lo bih tawh a nih phei chuan kan pass mai ang. Chutianga thil tih theih nisela, ka duh a. Kan Minister zahawm tak pawh hi chutianga titur chuan kan request nghal a ni e. Ka lawm e.

PU R. LALZIRLIANA

Pu Speaker, tawite ka lo sawive ang e. Ka hma a mite sawi ang khan vawiinniah Mizoram Water Supply Control Bill, 2004 ngaihtuahnaah kan lo telve a ni a. The Mizoram Water Tariff Act, 1991 nena khaikhin khan a danglam teh chiamna a awm lem lovin a lang a. A danglam deuhna chu Section 3 ah hian water meter vuah tur chungchang a rawn sawi lang vuai a, chutah a nemngheh nan a thupui ber hemi Bill-ina a rawn ken len ber section 10-naah khan a rawn sawi leh a, chu chu ani deuh mai niin ka hria a. Mipuiina tui kan mamawhzia kan sawi tawh a he Deptt. hi priority kan pek pawh a pawimawh a ni sum leh paiah pawh hian kan ti a, kha kha ala dik reng mai a. Amaherawhchu, engemaw he bill ina a rawn ken pui ber ni a lang chu tute nen emaw water meter kan lo lei laklawh tawh a, khami tih puitlinna atana he bill hi min pass pui tumna ani em aw, tih kha zu ngaihtuah theih tak niin ka hria a, chuvangin a thalo niin ka hria a.

Tin, mithiam zawkte han rawn leh tuna kan Legislator zahawm tak takte pawhina an han sawi danin a thute a saptawng a punctuation leh thildangte a thalo hle a, helaiiah hmanah Fisheries Bill kan ti tawh a, helaiiah hian min kaltlang luh pui a. Amaherawhchu, mualphothlak zawkin Governor ah kan tawp leh der mai a, khatiang ang velte kha kan thlang leh ang tih ka hlau khawp mai a. Chuvangin, kan Minister hian ama thluak a rawn tihchhuah pawh ani bik chiah lova, a tan hian tlawma lak tur pawh a awm chuang lova, amah kan zuk beihna leh a bill a rawn putluh avanga duhloh hrim hrimna lam a awmlo a ni tih kha a chian a pawimawhin ka hria a.

Tin, hemi water meter kan han leina chungchangah tepawh hian session hmasa-a kan zawhna kha an lei vek tawh tho a, engkim an ti tawh a nuai 299 a ni tih min chhang a, a leina kha. Tunah hian nuai 319 tihte a lo lang leh ta tepawh hi engatinge helai karah hian nuai 20 lai mai hetiang anga han belh leh emaw han paih leh emaw ang tur ang deuh a thil a lo lang chhuak leh mai tepawh kha a Deptt. hian helai karah hian kan ti dawn tho tho a, hei in belh leh ang aw, tih ang deuh a engemawni han zen tumte hi kan awm em ni aw, tih tepawh kei ka zu ngaihtuah rum rum a, a thalo hle in ka hria a.

Tin, Aizawl khawpuiah hian tui kan harsa em em mai a, vawiinah hian water meter helaia a thupui bera a rawn hman ang deuh a han vuah avang hian tui kan dawng hnem dawn chuang miah si lova, chulaiah chuan nichinah kan sawi tawh a, Social Service Deptt.-a awm a ni a. sorkarin helaia kan budget bu lianpui min pekah pawh khanin a hlawkna zu thawkchhuaka sorkar-a engemaw hlawkna zu chung em em tura a dah loh Deptt. a ni a. Chutiang chuan, engatinge hetiang hianin tu emawin hlawkna he meter leina atang hian hlawkna tam tak a zu hmu a, chu hlawkna a chu mipuite bill a min rulh tir leh he sorkar hian a tum hi a diklo hrim hrim in ka hria a. Chulai rilru a chu he bill atang hian vawin ni a kan pass loh hian kan zu demna kan zu duhlohna rualkhai taka rulling leh helama opposition lam pawhina kan ngaihdan kan lantirna kha a ni zawkin ka hria a.

Tin, Aizawl khawpuiah te tui kan harsa em em mai a. kan hre vek a. Tichuan. mimal tuichawi hi awmla pheisela chuan hei ai hian kan harsa ang a, sorkar hi kan buai dawn a ni. Tahchuan, hemite mimala tuichawi thin te zu hrekna tur leh in tih lal khumna tur lam ni lovin PHE Deptt. chu PHE Deptt. anih ang ngei hian heng mimal tuichawi thinte pawh hi khawilaiah nge helaia a control bill zu siam takah hian hemite hian tui thianghlim ngei an chawi em ? anih loh pawhin chu tui chu endik a ni thin em ? An chawina hmunte chu PHE Deptt. hian an hriatpui vek em ? Chungte chu kan tih zawkte pawh a ngaiin ka hria a.

Tin, PHE in Tlawng emaw an pump chhuak a, chuta mipui tana an lo tih thianghlimna ang chi tepawh chu sorkarin mipuite kan chawm zawh ngang si loh chuan he mimala tuichawi thinte pawh hi kan tih thianghlim pui a, tih thianghlim dante pawh zirtir tur a ni. Mahse, tunah hian a lang reng reng si lova, a control lai tak tur chu control si lovin thildang hi kan tum mai nite pawh hian ka hria a. A chhan chu Aizawlah te khawimaw laiah kawmkar deuhah te mithi ruang char a tam tawh mai, thenkhatte chu lo tawih ral mai mai tawkte pawh an awm, bo hmuh zawh loh tam tak an awm. Chutiangte chu heng private a tuichawi hnarah te hian an lo thi mai thin em tihte pawh ngaihtuah a ngai a. ran thite pawh a lo awm thei a. Tin, keimahni ek emaw khatiang ang kan bawlhhlawh thli atanga mipui hi kan lo chawm mai thin em ? in tur atan tepawh hian tihte pawh ngaihtuah chung a heng hi kan siam a ngai hle a ni. Chuvang chuan, kan bill hi sawi thui vak lo pawh hian chawhma lama tan chuan duhtawk dawn tawh a, helaiah Select Committee ah emaw, re-draft tura kan Minister hian a dah theih mai hi ka han ngen ve a ni e. Ka lawm e.

PU S. HIATO

Pu Speaker, Mizoram mipui, mi hausa atanga mirethei zawng zawng ten a lova awm theih loh nikhat pawh a lova kan awm theih lohna bill a ni a, a pawimawh em em a ni tih chu kan hre tlang a. Amaherawhchu, State Sorkar a ni emaw, Development Deptt. bik a awm a, State-ah chuan kan hriat tawh angin PWD-te, Power & Electricity Deptt. te, R.D. te, Development Deptt. bik an ni a. Mahse, Deptt. thenkhat chu essential Deptt. a awm a ni. Tah chuan PHE hi a tel a ni, Health & Family Welfare te, School Education te, Higher & Technical Education te hi mipui hnena a thlawna service pe tura ngaih an ni. Central-ah chuan Thlawhna atang te, Telephone atang te, Post & Telegraph atangte, Excise leh Deptt. dang dang atangin pawisa an la tawk tawk a, Railway atangte in. Chumi an pawisa hmuh atangin essential Deptt. kha an chawm thin a ni. Chumi chawmtur Deptt. chu Deptt. lian tak tak sorkarin a siam a, state-ah pawh a ni a. Vawinah hian Public Health Engineering hian a Bill hi han en reng reng hian statement and object and reason tih ah khan Pu Speaker, han en ilangin a tum ber a sawi ah khan pumping shed Aizawl khawpuite, Lunglei, Serchhip, Champhai, Kolasib ah te a awm a. hemi pump na tur hi a expensive lutuk a, kum khatah 10 crores aia tam kan seng a ni. Hemi rulh nan hian a ngai a ni tih thuk a ni a.

A Pahnihna-ah chuan Bill atangte a kan hmuh hi 10% - 20% chauh a nia, hei hian kan Deptt. a phuhruklo lutuk a ni tih a ni a. A phuhruklo reng ang chu a thlawna sem thei tura Deptt. hi ngaih an ni, mipui hnenah hian tui thianghlim in tur tal hi chu an pe tur a ni. Chumi pe tur chuan engatinge sum siam a Power & Electricity Deptt. meter an vuah a, chhiah an hmuh tam vang ringawta khatiang nih an tum, an tumdan a diklo ka ti. Pu Speaker, Power te chu kan hmuh loh pawhin thingtlang mipui tan chuan mombati te, khawnvartui te, meichherte tal chit tur a awm a ni. Tui chu alternative a awm ve lo a lawm, chuvangin meter vuaha chhiah tam tak punna tur hrut ruala hi a dik thei lovang.

Tin, meter an vuah tawh tih MLA te khan an sawi a, thla 1 ah hian 1000 te, 2000 te, 3000 te a kai a ni an ti an hman tam dan a zir pawh a ni ang a. Tui hi inren har ber a ni a, miretheite tan pawh ren thiam a har, insuk kan duh theuh, thlengsil kan duh theuh, inbual kan duh theuh, mi lian tih a ng kha kan duh vek. Khatah khan an meter kha a sang dawn a, khatianga an teh chuan engtingge kan chawi theih ang ? miretheite zawk khan engtingge an tih ang tih kha a ni a, ka rilruah lian ber chu. Chuvang chuan, hemi a awm pawhin a tlem thei ang bera hrutruah dan tur ngaihtuah nise ka duh, chuti lo chuan mipui tan a rit lutuk dawn tunah pawh hei a hrem theihna dante, tin, electric meter han vuah theihna dan te, water connection te, temporary water connection te, an ti thei vek aq ni. Inneihna ah te, mithi inah te. Christmas ni te in a temporary in an vuah thei a, conference awmna-ah te pawh an vuah thei a, a hremna te pawh an neih vek a, a repair-na dan thleng pawn an nei vek. Chuvangin, hetiang a kan neih sa thuan thatna tur chu anih lain kan MLA zahawin tak teri an sawi angin en that deuh hi a tha lawm ni tih hi kei chu ka rawn dinpui ve a ni e. Ka lawm e.

PU SAIKAPTHIANGA

: Pu Speaker, tawite chauhin hei Mizoram water Supply control Bill 2004' hi kan dan neihsa aia chhe zawk leh kimlo zawk, a mawi lo mai thei a, a mawl zawk ania. Han chhiar han chhiar hian amah leh amah te pawh hi a inkalh deuh fur mai a. Point 11-na, 10 na ah hian a metre fixed a ti a, va vuah tur ni maw ka ti mai a, Metre vuah theuh tur kan ni a, meter in a lo kawh ang ang kha chawitur kan ni awmtak a ni a. A hnuaiah hian kan leisa kha min rawn restrict sak leh vak bawk a. Chutiang ang chuan a puithu lo em em mai hian ka hria a, a puithu lai ber chu meter-box vuah tur tih hi a ni a. Chu chu Mizoram mipui hian an duh lo mek a ni. Consumer Union, mipui aiawh a in hre tlat hian an duh lo em em a

Chutiang chuan pawl hrang hrang hian an duh loh leh sawisel mek, hmachhawp te pawh an la neih mek lai a ni a. Kan pass chuan Zoram mipui tamber in an duh loh, leh that pawh thalo tur kha he dan ah hian kan han zep dawn a ni a, a pipe te a chhiat chuan, a valve te a chhiat chuan department ah va report vat tur a ni e tih te chu kan tihphung reng a ni a. Chuvang chuan thil thar pakhat a lo piang a, chu chu Zoram mipui in an duh loh mek a ni, Saitual bialtu zahawm tak in a rawn sawi lai kha hetah hian rawn zeh ngei ngei chi niin ka hria a. Hei tui kan indaih lo em em a, Aizawl khawpui ah, tam tak hian kan leitan leh mek a ni a. Chung kan leite chu khawi atanga lo kal nge, engtin nge a lo thlen tih leh a Control-na leh a thianghlim leh hlimloh Sorkarin a hriatpui na tur zawng, tin, tui thianghlim lo lo hralh te awm sela hremna tur awm miah lo a meter kaltlang chauh te kha kan buaipui a, meter kaltlang lo tui kha mizo mipui hian kan hmangin kan consume nasa em em a ni. Chuvangchuan a meter ah hian kan in nghat lutuk a ni tih kha a langin ka hria a. Chuvang chuan kan Minister zahawm tak pawh ka'n ngen duh chu Department hi Minister angin kan ring tur a ni a. Kan Department te pawh hian tihsual an nei ve thei a. Mipui ngaihndan nilo deuh department ngaihndan in thui tak min kalpui thei a.

Minister ka nih ve lai khan Hrangchalkawn ram lei kha a ri reng mai a, ka ngawi tuan thak a. Mahse ka Minister loh hnu khan khatih laia Officer mawhphurtu kha ka hnenah a lo kal leh a, a lo tihsualah a rawn in admit a. Department thatna zarah kan in chhanchhuak leh hram a, chutiangte pawh chu heng thilah hian awm ve thei a ni a. chuvang chuan en uluk leh hi tha in ka hria a, tui kan tih thianghlim dan te kan ven dan tur te hetah hian lo tel vek sela. Chuvang chuan en uluk leh hi thain ka hria a, tui kan tih te kan ven dan tur te

hetah hian lo tel vek sela. Chuvang chuan House ah a lo lut tawh a, kan Minister zahawm takin a rawn pharh tawh a. Pharh a rawn dil a, House in kan remti a, kan discuss tawh a. Chuvang chuan a kal lehna tur leh siamthat lehna tur a kawng hnai ber leh House pawhin a practice tam ber chu select Committee ah refer mai a, chuta tanga rawn thlir nawn leh a Session lehah hei aia changtlung zawka a lo kal leh hi kan damtlanna niin ka ring a. Chutih rual chuan vawiin a Consumer Union te leh pawl hrang hrang tlawmngai pawlte chutiang angte ngaihdan la chung chuan chu select Committee chuan rawn buatsaih sela, tih leh hunah pass tur a nih pawhin pass ila chu a mawi deuh chu ka ring Pu Speaker chu chu tawi te in ka rawn rawt a ni. Kan ti laklawh tawh a tia tan tlat hi a awl khawp a, mahse tan tlat hian a fuhloh chang te pawh a awm ve thei a. Tui kher chu ka hma a Saiha bialtu zahawm takin a sawi ang khan tumahin a kan hel theih miah loh kan mamawh vek a nih avangin hetah hi chuan ram anga kan dam tlanna tur atan leh thil tha zawk a chhuah theihna tur atan chuan Select Committee ah uluk taka rawn ngaihtuah nawn leh a tih leh hunah Session hi hla lutukah pawh a awm thei lova, November kan zo tep a, Financial Year tawp dawnah chuan ngei ngei tur a ni a. thla 3 thla 4 thla 5 chhung chuan kan Session leh ngei ngei dawn a ni. Chung hunah chuan lokal leh zawk sela he bill hi tih kha kan rawt ani. Pu Speaker.

PU R.KHAWPUITHANGA :

Pu Speaker, ka lawm e. The Mizoram Water Supply Control Bill, 2004 a lo lut hi a lawmawm hle a, belhchian dawl viauin ka hria a. Kan thlirna mit hi a in anglo a ni deuh mai thei a, veilama thut leh dinglama thut hian awmzia a lo nei viau niin ka hria a. Sawisel tur awmlo khawp a thil fel leh tha hi khawiah mah Khawvelah hian a awm dawn lova. Tha kan tih te hi thenkhat chuan tha an lo ti lem lova. Hmeltha kan tih te pawh hi thenkhat chuan tha an lo ti lem lova. Hmuh dan leh hriatdan te a in lang lova. Tuna i veilama thu te khan a thatzia hi sawi sela kei aiin an sawi thiam daihin ka ring a. han en ila, a tlangpui thuin PHE Department mite'n mithiam te pawh an rawn ang tih ka ring a, dan hria te pawh an rawn ngei ngei ka ring a. Chutianga uluk taka vawi tam tak an thlir tawh hnua an rawn buatsaih ni pawhin a lang a. Han sawisel neuh neuh te. tih te kha a awm a. Khang kha chu. Ah khan awm a awm ang a, awmlo pawh a awm ang a, Kha kha chu thupui a tling pha in ka ring lova. Pass loh phah nana thu tak tak kha ka hmu lem lova.

Thil kan sawi tam tak te pawh kha han en han en ila, harsatna siamtu tak tak kha awmin alang lova, ngun taka ka'n thlir ve hian. Tin, a tlangpui thuin kan hmanlai dan a siamna tur kha a ni mai a. Nia V.C. dan tih te pawh hmanlai tihchhoh zel a ni mai a. Hmanni a kan han siam tak te, a dang dang a te pawh hi Act kan la neihloh, niin dan a minlo khin a Act atanga thil tih a kalchho zel a nghet tur chi kha a ni a. Heta kimlo lai a pawh hi Rules in a la um zui anga. Helai a kan duhthusam loh lai deuh te pawh a awm a ni thei e. Mahse a tawngkam mai anih kha chuanin thenkhat tawngkam diklo deuh ni a kan hriatte kha, anihna taka kan hmanna turah mipuiin a chhawma turah khan that lohna a awm anih loh chuan kha chu kan hmuhdan a ni maiin ka ring a.

Hei, thenkhatah chuan mipui humhalh takin han chhiar han chhiar ila a awm a. Tin, harsatna a lo awm pawhin khang ang sum due for payment by a Consumer on account of Consumption of water supply by the Department. Which remains unpaid for a period of one Year or more shall be recovered as a public Demand under Mizoram Public Demand Recovery tih chi te. Chhiar chhuak vek lo ila. Khang harsatna te pawh kha vawikhat a tih lemloh in kumkhat te pek a kal zel thei a niin a recover leh dan te kha a lo awm a.

Tin, helai a, kan han ngaihthlak section 16-na right of resarvation of Certain water storage for drinking and human consumption tih ang chi te pawh hi engemaw natural Calamity emaw, tui mamawh na public ah a lo awm emaw khan Department tan tui han pekna kawng kha a har viau mai thei ani. Chuvang chuanin khami storage a catchment area te pawh kha reserve a lo tul ve thin a. Chuvang chuan khang ang Provision an rawn siam te kha kei chu tha ka ti em em mai a ni. Hei hi awmlo tase a buaithlak viau ang. Khatiang tak khan thil lo awm ta sela, hetah hianin leite lo min (slide) emaw, in kawng te emaw lo awm ta sela. Khalai a engemaw chen mipuiin a an lo rin ve tur tuten emaw akhawma chester a an lo rin ve tur ang chi te pawh kha dan a awm lo. Sorkarin tul a tih miau si a nih ang karah khan hei hi atul hun a awm ve thei a ni; Chuvang chuan khatiang chi hrang hrang thlir a Department in ngun taka mipuite hamthatna tur atana a rawn siam kha a ni a. A enga pawh hi awmlo tase, thil pawitak vek tur a ni a, thil inzawm vek inkhaidiat chhuak vek a ni a. Engkim mai heta a rawn ziaka hi, han zir han zir ila, a pawimawh hle in ka hria a, dahthat leh a pass tih kha chu kei atulna ka hre lova, chuvang chuan hei uluk takin kan thlir a, a dik tak

chuan tui kan dawnte pawh hi ni e kan dawngtha a ni. Kan hmuh ang chiah chuanin. Amaherawhchu tui harsatna kan hria a, keini pawh kan leive thova nia. A tlangpui chuan tui harsatna ngaihtuah chuan kan dawng tha alawm. Hei tunah hian phasse II siam mek ani a. An la zo silova, chumi karah chuan Distribution hi hetia semdarh hi ani a, kan dawngtha bawh alawm mawle, a tlem tehlul nen, ka'n ti zawk a ni. Chuvangin, a diktak chuan helaia Statement of object and reasons atih ang deuh hlek in a tawpah pawh hian a chhan leh vang te pawh hi a rawn sawi a, hei tui kan dawng a, engemaw a tam deuh chang phei chuan kan hmang huau huau mai a. MLA te phei chu kan ni lehzual a, Public te pawh in an dawng tha a, thal ah hian tui harsatna hi a zualkai ani mai a. Amaherawhchu, lehlamah a pawisa Sorkara lut ve leh lama hi chu a chhe em em ani. A diktak chuan, thla 1-a cheng 100/- te kan han pe hi chu, tunhma Public ina kan pek hrim hrim a pawh kha a beitham lutuk Department hian atuar nasa a, chuvang chuan chhiah kan pe tur ani tihlai ah hi chuanin kan inrual tlangin ka hria a, chhiah pek ve na kawng khat kha a ni? Chuvangin a indaihloh luattukna karah khan Metre chhiah pek nena kawngkhat kha ani. Chuvangin a indaih loh luattukna karah hian meter Box tepawh kha hetia Act alo awma, mumal taka Department ten an rawn ena hetiang ang, distribution a kal kha chuan a hlawkna kha kan ramn a tel dawn ani a, tuisem a rual anga, tin, a hlawk na pawh kha mipuiin kan tel bawh ang, kan chawi erawh chu alo sang deuh ve ang. Kan chawina a tax alo sanna chiah kha lehlam ah erawh chuan kan sorkar leibat tam tak lokal tura tepawh kan venna kha a ni pah fawm dawn a. Mipuitling kanlo nih tawh chinah hi chuan chhiah kan pek natur ang chi electric ah te, tuiah te leh thildang reng reng Consumption kan neih ah hi chuan, kan ngaihtuah ve tur ani dawn lawm ni chuvangchuan tih khawtlai tih khawtlai natur kha kei chu a chhan leh vang hi awmin ka hre lova.

Han en han en hianin ka'n chhiar ka'n chhiar ve a, a in kam fel veka Check and balance pawh hi a chhungah hian a awm tha em em a, in han sawi tepawh kha ka'n en ve a pass lohna tur khawp chu a awm lo, chu chu ani chuvang chuanin he dana hi chu dah khawtlai ang kha kei tha ka ti lova, a engkim mai hi han en ila mipui tan ani veka keimahni tan vek ani a, ramdang tan nilovin han en ila, kan hmanlai tam tak kha dana dahnghehna kha ani tlangpui a, in han sawi ang khan meter vuah kha chu adik khawp mai, helaia kan hmuh ang hian thil thar deuh hlek anih avangin. Amaherawhchu a meter ah khanin alo aluata thlakhata engemaw thil awm vak vak te, thil awm ve thei ani a, khami erawh kha chu a diklo anga, kha kha chu ven tur ani anga, inmillo lutuk kha a awm ve thei a, a meter te chu khawl ani a a diklo ve thei a, khang ang erawh kha chu ven that atha a, anihna tur anga a kal kha chuan hma kan sawnna tur

kawng a ni. Chuvangin a intikhawtlai zawng leh hmasawnlo zawnga kal kha kei thain ka hre lova, uluk taka han neih hian dan te hi kan siam anga kan pass zel ang, hei kan hria a, Opposition tepawh mi experience nei tak tak tepawh inni a, insawi atang khan tam takah hian kan vara, keini pawh first times te kan ni a, in tih dan tam takte hi kan entawn zawk ani a. Mahse, thil tha ah hi chuan tan tlat ang chite hi chu a ni bik dawn emaw nile, han en ila han sawi ula keini aiin in sawi thiam ka ring daih zawk a, chuvangin, han pass lohna tur khawp ka hmu lova, helai Bill lo lut hi a lawmawm hle zawkin ka hria a, ngun takin han en leh ula in sawisel dawn chuan pass lohna tham tur hi awmin ka hre lova. Chuvangin, hei hi chu pass turin ka ngen che u ani, artificial tih te, artificial chu a changtu Minister in a rawn hrilhfiah zo khawp ang chu chu i nghak ang u, ka lawm e.

S P E A K E R : Minute chanve chauh ani ta a. Chawhma lam hun kan hmanng zo a ni ta a, kan chawl rih anga. Dar 2 : 00 ah kan thukhawm leh dawn nia.

Chawhma lam khan 9 in kan sawi tawh a, tunge han sawi leh ang. Leader of Opposition, Pu Lal Thanhawla, ilo sawm ang.

PU LAL THANHAWLA : Pu Speaker, sawi vak tur hranpa a awm tawh lova, hemi Bill hian a tum kan hrechiang a. A laimu chu Water Meter hman hi a ni a. Water Meter hman pawh hi a kalphung pangngaiyah chuan a pawh teh chiam hranpa lova. Amaherawhchu, vawiina a lan danah hi chuan Water Meter hman hi a mipui pawhin, tute pawh hian, hemi water meter zuk hlawkpuitute lo hi chuan an duhlo, tha an tilo niin a lang ani. Tin, a lo interest deuh tena an test dan leh an lo kalpui tawh dante kan hmu a, a thalo a. Khalai kha chu thudang ni sela, Bill hetiang a lo lut tun Session chhungah pawh $\frac{3}{4}$ emaw lai kan han nei te hi thil lawmawm tak a ni a. Kan tih tur ani, Legislator kan nihna angin, a lawmawm khawp mai. Vawiin hian kan hotu a rawn sawi tawhtute rawn sawi ber zawk kha chu a language te. Tin, mi Act a awm ve ngailo rawn awm te hian he Bill hrim hrim hi a ti chhangchhia tih a ni a. Tin sap tawng thiam mite kan nilo nain a thiamte sawi danin heng clause hrang hrang a mite hi a saptawng pawh hi hetiang a Dan-a kumkhuaa awm tur atan chuan siamthat leh nise tihte kha an sawi si a, a dik mai a. Financial

Memorandum Memberten an point out pawh kha thil dik tak zel a la ni a. A siam that theih lai, a awlai lai hian siam that mai hi a awl zawk lawm ni, a dik zawk lawm ni tih kha a ni mai a. Chawhma lamah pawh khan kan kal thui hma in hun a uihawm a, a ennawn leh kha ka'n rawt a. Legal expert te, eng expert pawh hemi Bill draft na ah hian lo rawn ni tase, an rawn tepawh chuti lua an nilo tih a chiang khawp mai, keini mimawl pawh in a fiah theih ani. Chuvangin Dan kan siam anih chuan uluk deuh, tha deuh a tih a tha a. A drafting Cell pawh kha kan lo nei reng tawh a ni a. Khang drafting cell pawh khan han ti tha leh selang, a tha in a rinawm a.

Tin, hman ah khan House tan pawh a tlawmngaih thlak deuh mai a awm tawh a. Fisheries Bill kha Governor khan poorly drafted, a draft hi a chhe hrim hrim a, a language pawh hi a thalo ani tih khan a hnawl tawh tih kan hria a. Chutiang chuan heng pawh hi a lo ti leh ang tih a hlauhawm ani. A Minister changtu zahawm tak hi amah thahnem ngaihna leh hemi Bill a rawn put luhna hi chu a zahawm khawp mai. Amaherawhchu hemi Bill hrim hrim ah ni lo hian, chawhma lama sawi te pawh khan an sawi ber chu a draft hrim hrim hi a ni a. Chuvangin hemi re-draft hi thil tlawm ngaih thlak pawh ani lova. A nih ang ang hian pass dawn ila, keini ang duang pawhin a saptawng hi a fel hlel deuh ani lawm ni han tih turte a draft tute chuan an rilru ah chiang kuang takin nei mahse, a lo chhiar tute tan a hriat hleih theih loh te a awma, a Water Meter affix te hi a nih dan tur ani angem tih pawh a ngaihtuah theih a.

Chuvangin hetiang te te a fel hlel lai te chauh kha a sawitu lam ber khan an rawn sawi lai kha chu a ni nghe nghe zawk a. Chuvangin, Pu Speaker, kan rawt duh chu, a neitu Minister hi zahawm hle mahselangin hemi a Bill hi duh loh vang, hemi a spirit a hi duh lohvang ni lovin a drafting hrim hrim a leh a language a hi House zahawm taka han pass chi em nile tih kha an ni a. Tin, engang pawhin Treasury Bench ami te khan han sawi mawi pawh nisela, Pu Speaker sawi mawi hleih theih loh mi bill ah leh Act-ah te awm ngailo, kan bill Act a lo nih hunah pawh ti chhangchhe tu tur hi a awm teuh mai a ni. Helaiyah hian official hming sorkarin khatianga a authorised te han tih mai tur awm takah te hian E.E, S.D.O. tih angrenge a han lang nawk te hi Act anih huna han chuang zel tur atan chuan thil awm ngailo la ni a. Mi bill emaw mi act emaw a thil awm ngailo hi a awm nual a ni. Entawn tlak loh tur si hi. Chuvangin Pu Speaker ka rawtna chu, hei hi redraft leh ni selangin chu chu kan hotu ten an ti lo anih pawhin Select Committee ah te tal refer a enthat leh nise tih hi kan rawtna a ni.

PU LALHMINGTHANGA :

Pu Speaker, chawhma khan mi-thi vuiin ka va chhuak zawk a tichuan member ten a an sawi dan pawh ka hre em em lova. Amaherawhchu, keini kan Legislature Party chuan thlir dan pakhat kan lo nei ve a. Tumhnih tum thum ka sawi tawh a, Supplementary Question ang zawng te pawhin. Hemi a water Tariff a hi kan tih ngei ngei tur a ni a. Amaherawhchu tun aia enchian hi thain kei ka zuk hria a. Hei min an vuah vek hma hian keini kan Water Supply, keimahni Residence bikah hianin avuah hmasakah kan tanga. Tichuan a Meter accuracy pawh hi tun thleng hian ka la ringhlel em em ta a. A chhan chu mahni thiam ang tawh tawkin hmun hrang hrangah phailam ah te heng an manufacture-na ahte kan han enquire a. A tlangpuiin kan sawi nawn leh anga. An siam dan hi hmun tam bik uniform height ti mai ilangin a pressure in thuhmun theihna a vuah tur chi a siam a ni a. Chumi ang zawng chuan kan water supply system leh kan supply tank te hi a height ahte kan kalpui lem hauh lo mai a kan ramah hi chuan.

Tin, phai rama an hmanna hmun khu plain a lo ni ta a. Uniform takin entirnan hetah supply tank inchhunga connection khu constantin a kal ta a. A san zawng kha ft 250 a lo nih pawn chumi ang atanga a rawn chhuk thla khan a presssure rawn khat an vuah tawh kha chuan thliin emaw a tidanglam thei lovin a aawm ta a. A manufacturer-te pawh hian tiang ang targeta an siam chu a niin an sawi a. Kan zawhve theih chinah chuan. Mahse Mizoram angahte chuan kan ram leilungin a zir lova. Hemi a supply tank thuhmun dawng theuh theuh pawh kha a Consumer awmna point lai ah leh a meter vuahna kha a height a uniform lova. Tin kan tui supply kalhmang hi 24 hours supply a kal theilo a ni a. Entirnan Aizawl in kan hmanlai mekte hi mi 80,000 Population emaw in hman tura an siam kha tunah chuan nuai tamfe-in kan in tawm ta a. chuvangin constant supply of water kha a pipe chhungah a kal reng thei lova. A thenah chuan ni hnih ni thum pipe a rova, chum hnuah chuan a rawn chhem leh a.

Tin, a then chu tlang chhipah supply tank a awm a, hetah metre 500 hnuaihte a sei zawnga kha water meter kha vuah a ni ta a. A thenah chuan metre 4/5 lekah a ni anga. A distance chu chungte chu a lo nita a. Heng laia pawh hi tun aiin research tha deuh hlek neiha tih nita selangin. Tin, mipui tan a urban area deuh leh hei kan khawinna tur atan kan han tih hi chu tih makmawh a ni tih hi chu a chiang a. A chhan chu a scheme a te pawh hi borrow scheme kan ti mai anga, pawisa puk atangtea han siamte a lo

ni a, heng Serchhip te, entirman Kolasib-te leh khatiang a lianlo iti mai ang. Chuvang chuanin a Consumerte chuan kan chawi ngei tur chu a ni. Mahseng khami kan chawiah khan ram pumpuia an hmama hi tui na na na hi chu Pathian thil thlawn pek anih avang khan Commercialised Profit making thinlung tel lova, siam chu a ngai em mai a, heng a tariff-a hi. Hengah hian a tariffa chu a specified chuang lova. Mahsengin khami zinga mi kha, basic needs leh basic requirement mihring tawh phawt chuan, chumi piah lamah kan ran, kan thlaite pawhina an nunna atana an requirement anih tlat avang hianin thildang a anglo em em a. Chuvang chuan hetah hian kan fimkhur a ngai em em a ni.

Tin, chawhma lama Opposition Leader zahawm takin a sawi ang khan kan thlir ve thuak thuak a, nizan lamahte, ni e, a wording leh thil dangte pawh hi tlem chuan duh thu samlo lai a awm a, kan thianten an sawichhuak nual tawh a. Tin, engemaw resignation an sawi angte pawh kha a pawm nawmna laite a zuk awma. Chuvang chuanin, hei hi kan object tlat ni chuang lovin, hei aia tha zawk leh lungruah deuh zawka thil kan zu thlir tlan leh a, siam thata lungawi tlang taka pass theih niselangin, a tha awm mange tihna kan nei a. Khami ti tur khan a drafting Committee Sorkar lamin a lo nei tawh anih kha chuan khami kutah pawh khan a dah let leh theih ang a. Tin, kan House hian Select Committee pawh siam ta ilangin a tih theih alawm le, tih ang pawh khan a kal theih a. Chuvang chuan ennawn leh zawng hian ngaihnan kan rawn siam ani e. Pu Speaker.

S P E A K E R : Awle, kan sawihona ah mi 11 lai in kan sawi tawh a, ka dinglama mite hi an ngawi deuh thup a, kan Wind up tawh mai dawn em ni ? Awle, Opposition bench lam atangin Bill hi a famkim lohna an hmuh angte an han sawia, chutah chuan Re-draft emaw Select Committee ah emaw dah mai a tha lawm ni tih rawtna te pawh an han siam a. Amaherawhchu, kan kalphungah hian kha kha chu kan buk nghal tur a nilo anga, rawtna ani a, a changtu Minister in a wind up-na ah enge a ngaihnan a rawn sawi tel atang erawh chuan khang kha ngaihtuah chhonzawm theih ani anga. Tunah Minister hi wind up turin ilo sawm ang u.

PU TAWNLUIA MINISTER : Pu Speaker, vawin ni a ka Bill rawn putluh 'the Mizoram water

Supply Control Bill, 2004' Member zahawm tak tak ten ngaihtuahna uluk tak mai hmang tih hriat sa renga an rawn sawina ka hriat khan a finthlak hlein ka hria a. Lawmawm pawh ka ti a. A hmasabera ka sawi duh chu he 'The Mizoram water Supply Control Bill, 2004' hi sum tuakna - Commercial atan rawn siam anilo tih hi Pu Speaker, ka sawi duh ani. Tichuan he Bill in a tum chu, 'A Bill to provide for and regulate water supply to the House and Building or premises belonging to any person, government, Central or Sstate or any organisation in the state of Mizoram and for other Matters connected there with' tih a ni a.

Tin, a dang lehah chuan 'for effective and efficient Management and distribution of water to the public, it is very much essential to have the Mizoram water supply control Bill, 2004' Kha kha he bill in tih puitlin a tum leh kan siamna chhan ani tih ka sawi duh a. Pu Speaker, tui pawimawhna ka sawiah khan essential commodities ani a. Chuvangin, a lo va kan awm theih loh basic needs ani kan ti a a dik ani tih kan hria tui hi chu alternative a awm kei pawhin ka sawi tawhin ka hria, kan Member zahawm takte pawhin in rawn sawi tawh a. Mei a awm loh chuan thil dangin a tirah tih alhna awmlo mahsela sa ringawt pawhin a rawn ti chhuak thei a. Tin, current awmlo sela khawnvartui a awm a, current leh khawnvartui awm lo mah sela thing tuah tur a la awm bati pawh, mahse tui a awm loh chuan a dang a awm tlat lova a dang ani. Chuvang chuan social service ah dah ani tih pawh kan hria a. Tin tuna kan Bill hian tui tariff kan tui hmuh sorkarin min pek tihsanna a awm lo, a rate tih sanna leh hniamna a awm lova, a rate ngai tuna kan hman hi hei hian a ti danglam rihlo ani. Chu chu kan hriat ka duh bawk a. Chuvangin, a sum lamah chuan a rate chungchangah tui bill iti pung ang hei hian a ti lova, tui bill siam dan zel turahte pawh nakin ah rules lamin lo ngaihtuah turin a dah chu ani a.

Tin, Pu Speaker, he Bill hi uluk taka chhiarin kan Member te khan a phuailuai deuh tihte pawh an sawi a, a phuailuai ti khawpa hrechiang a an lo chhiar ngun kha an fakawm hle in ka hria a. keipawh he bill hi sawiho ngai tura kan put luh dawn avangin ka uluk a, kan buatsaih dan tawite in kan sawi anga. Cabinet ah pawh vawi 2 kan vawm lut a, chulaiah chuan Cabinet in lo thlir nawn leh rawh u an ti a. chulaiah chuan finance ah te Law ah te pawh vawikhat thut tawh hnuah pawh khan kan ti nawn leh a chutah chuan kan Secretary leh Law Secretary in ni hnih an thut chilh a chuta an rawn tih dun tawh chu ani a. Chuvangin Law leh mithiam ten uluk taka an tih chu tha turah ka ngai a ni. Tun inrinni pheih kha chu nilengin ka zira ka hre viau nghe nghe ani. Chuvangin kan hotute pawhin a in lo chhiar taima kha a lawmawm kati tak zet ani.

Tin, text ah khan lut lawk ila, Definition ah khan "Person means a natural person" khami kha chu keimahni kan ni mai a. "And it shall include" heng pawh hi a huam ang "Artificial juristic person," tih a kha kei pawh kan Secretary te ka zawhna hmasaber a ni reng ani. Amaherawhchu Law lamin chhinchhiahna te pawh anih avangin tha ah kan ngai a an rawn pulut chawt mai ani. Pu Speaker, a aia tha dang kan siam thei hauh lo. Chuvangin, Samkotha Verses state of Amfu Pradesh 1997 & Supreme Court 1991 (Phek 234-ah) hian a in ziak ani. "In Law however we are Concerned with legal persons weather thing are natural that is human beings capable of surtaining right and duties as artificial juristic i.e. group or things to which the law atributes their Capacity to give rights & duties heng hi Corporation te, tin, Kohhran te pawh, thubuai nei dawn ta sela. Khalaiyah kha chuan a chhungah chuan tute emaw chu an awm reng thin a ni. Chuvangin hemi behchhan hian he definition a pawh hi han siam a ni a.

PU ANDREW LALHERLIANA : Pu Speaker, kha a rawn point out-a khami Supreme Court khami judge order niawm tak kha, khanin khami a particular situation ah khan engeni ?

Artificial person a tih ah khan "Mean" ang ava tih a kha I zawh chuan a hrilhfiyah em ? Hemi Context ah hianin engeni a rawn Meant ve takna tura kha ani.

PU TAWNLUIA MINISTER : Pu Speaker, chu chu ka rawn sawi dawn a ni. Pu Speaker, helaiah hian adang lehah chuan the Word person in the interplay of jurisdic thought is

either, natural or artificial, natural persons are human beings While artificial persons are Cooperations ati a. chuvangin helai ah hian natural person kha chu a chiang maia. Keimahni ho kha kan ni ta ah ngai ta ila. Artificial leh jurisdic person kha chu khatiang ang khan Cooperation te pawh an lo nianga. Hei tamtak an awm ta a, ram nei ve tho mai, office pawh nei, thubuai pawh rawn nei thin mahse Cooperation MIFCO ti ta ngawt ila, ZIDCO ti ta ngawt ila, amah kha chu a nung lo ani a hminga kha chu, amaherawhchu a chhungah kha chuan awm chu kan awm si a ni. Chung kan han sawifiyah ahte pawh khanin a ni. Kohhran

han tih ah te pawh kohhranah chuan Member tam tak kan awm ta a. Kohhranin thubuai a neite pawh kan ti ve fo mai lehlamah chuan a pulut tu kha an awm tlat a ni. Chung rawn sawifiahna chu a ni a. Chuvang chuan Pu Speaker, kei pawh ka zawhna leh ka lo enfiah tawhna atangin kha kha thil dik tur nia ka ngaih avangin helajah pawh hianin a aia tha dang maha sawifiah dehte pawh a awm ka hre lova kha kha kan sawi duh a.

Tin, a dawt lehah chuan, Pu Speaker, a text ah khanin kan Member te khanin etc. tihte a awm tiha kha a dik khawp mai a. Keipawh kha kha a dik chiah chuan zir ngun lamah chuan he bill aia ka chhiar chhuah tam bill hi ka la hrelo. Mahse, helajia tukina Pu Suama'n an sawiah khan etc. han tih maia kha hetia ka rilru-ah khan heng kha ka lo khum hle a. Ka Copy ah pawh hian a lo awm ta a, phek 2-na pa 3-na ah khan. Washing utensils hei tui kan va pek; kan supply water hmanna tur hrilhfiahna ah khan thleng silna te, mihring inbualna te khatang khan an ti ta a. Chutahchuan, etc. tih a tel a ni. Hei hi dan a awm ngailo, keipawh kha kha a nia. Amaherawhchu, Pu Speaker, helai thil pawh hi kan sulhnu theih kan en chuan hei Mizoram Water Tariff Act, 1991 leh Mizoram Water Supply Tariff Rules, 1993 hi tuna kan Opposition Leader zahawm tak Pu Hawla Ministry ti mai ilangin khami Ministry a zawna a han chelh laia hei hi dan siam a ni a. 1991 Water Tariff Act, Section 7-ah hian a hma zawk hi kan sawi ang e, Section 4'C' aw -4'C' ah hian 'the estimate so prepare will among others include cause of material wages of labour lumpsom connection fees etc. "rate of fees, charges etc" tih a awm bawk a. Hei hi tuna mi ka sawi kha chu a Act-ah a ni, 1991-ah hian. Chuan a Rules - ah hian Pu Speaker, 1991-a rules- ah hian 1993 aw 1991 Rules 1993 ah hian rules Section 111 Rate of charges etc. tih a thupuih a awm ani.

Pu Speaker, section iv sub section 9 ah hian anydamage of Pipeline etc. Private water Connection tih a awm a. Tin, section VI new water Connection sub section 4 ah hian in a addition water connection shal be depends on liabilities of Pipe appeal or special etc. and Availing water condition tih a awm a. Heihi 1991 leh 1993 a siam ani. Chuvangin etc. tih pawh kha keini pawhin kan passed tawh thin ah kha chuan a awm ngei a. Tunah pawh hian Pu Speaker,

PU LIANSUAMA

: Pu Speaker, Minister rawn sia fiah nghal atan Section 111 Sub Section 3

ah khan tuna Department in tui a supply hman dan tur intur atan/chawchhum nan/inbual-nan/insuk nan/ etc. tihlai kha ka rawn point out a. tichuan, kha kha hmanna tur hi section 17 na ah a awm a. Chuvangin hremna Penalty lungin tan te leh Rs.1000 thleng chawi theihna anih tak si ah chuan a etc. chu engnge ni ang ? Chuvangin hmundanga etc. kha lo pawm theih anih pawhin 91 a siam anih pawhin atha tho. Hun kal zel ah a hmasa a diklo te chu paih mai a tha mai a. Punish tur anih tak a lungin tan nan thla 5/6 Rs.1000 (Sang) te chawitur anih si chuan kha dan bawhchhiat tur etc. laia kha a dik thei lova a, tih kha ka point ani.

**PU TAWNLUIA
MINISTER**

Pu Speaker, han chhiar zawm nghal ta ila, Washing utensils etc. and as may be prescribed a ni a. Chuvangin Pu speaker, hetah hian as may be prescribed atang khan a rules siam tura a prescribed tute hian a hmandan dik an hre turah I ngai ang Pu Speaker. Tin, (PU ANDREW LALHERLIANA: Pu Speaker, nakina kan han khel lai ber pawh kha hrilhfiah that zel turah dah ila. No. 10 lai pawh kha a tum hi engngeni tih kha, water metre hi emni ? a tum ? nge ? Measurement ang water supplies ? tih kha kan zawhna a ni a. Pu Speaker, Water Meter kha kan mithiam pui pui te leh kan Member zahawm tak te khan in chhiar in ka ringa a line hmasa-ah khan, in order te Measure actual amount a water Supplier te any person by way of Parmanent, temporary, Casual Connection, as the case may be, the Department, shall affix such water meter to the pipe or pipes of every individual connection and in Such manner as may be prescribed, chuvangin water metres kan vuahna chhan he in order te measure actual amount of water supplies to any person mi tute hnenah pawh tui kan pek a tam leh tam loh tehna tur a ni e. (PU ANDREW LALHERLIANA: Pu Speaker, kan Minister zahawm tak khan a tum hi Measurement of water a ni. Mahse, a heading ah khan water meters kha a tum ber niawm taka irawn tih tlat kha a fuhlo deuh awm mange aw !! kan tihna chhan.) Pu Speaker, water metre hi a lar viau mai a, a pawimawh ngang ah ka'n ring a. Hei 91 Mizoram tariff water Act ah pawh hian Section 7 ah hian Water Metres vuah tur chungchang hi lo siam tawh a ni a. 'the Government shal provide water meter Connection as possible as irective as whether the Consumer asks far it as not' A Consumer in a duh emaw, duh lo emaw, Sorkarin a vuah ang tih kha 91 ah hian kan lo nei tawh a.

Tin, a rules ah pawh hian 91-ah hian kan lo nei tawh a, metre consumer 93-ah kan rules siamah hianin metre Consumer te'n a hei a man an chawi zat tur te tin, engeni metre charge kan tih angreng rent te pawh an lo fixed vek tawh a. Chuvang chuan thil thar anilo vawiinni-ah hian, Pu Speaker, vawiinni-ah hian water metre hi thil thar ni lo, kan dana awm renga kha tunah hian, vuah tura kan lo tih chhoh mek zel theuh khawi Sorkar pawhin, kan zavaiin a pass tu ah kan telin ka ring. Vawiin ni ah hian thil thar tehchiam a an sawi hi thil thar anih loh zia chu kan danah hian a chiang ngawih ngawih a Pu Speaker, tichuan, Water Metre a kha khatiang a kha a kalphung a ni a. Tin, the department shall affix tih hi shall tih hi May tih ni se tihte kha an awm a, a dik khawp mai a. Pu Speaker, amaherawhchu khatah khan a tawp ah khan chhiarchhuak ta zel ila, a thumal 2 emaw 1 chauh hi chu a awmzia hi leh a tihtheih dan tur kha thilin a, a sawi dan tura kha a chiang nghal thin. chuan, ...such water meter to the pipe as pipes of every individual connection and in such manner may be prescribed a ni ta a ni. chuvang chuan, kha mi a prescribed tu-a khan helai ah hianin vawiinni ah kan hotute leh kan member zahawmtak te'n an sawina eng hre reng khan a prescribed tute hian an prescribe turah ngai ta ila a thain ka ring a ni.

Tin, hetah khanin financial Memorandum ah khanin, Pu Speaker, khalai ah khan typing mistake pakhat a awm a, hei pawh hi tukin ah pawh kan Secretary koh ka chak a, hei hi enge ka lo hmuchhuak vak loa, mahse tukin a heta ka luh hma kan chhiar khan ka kova, a ni khanin heihi chu this Bill is prepaid and publiceffective and official management of distribution of water tih kha a correction ni ta selangin a tha ang e. Tin, hei hemi kan tuipekna chungchang ah hianin thil eng engemaw han sawifiah tur chu tam mahse vawiin ah kan zirchiang tawh hlawm bawk a, a sawifiah ngaizual kha chu tikhan Pu Speaker, a rawn tarlang viau tawhin ka hria a. Helai ah hian kan member ten an rawn tarlan thil pakhat han sawilawk ka duh a, tawite in kan react lawk ang e.

Tui phurh man tih kha, tun supplementary demand tukina kan Chief Minister-in a present ah khan in a pekna tur a awm a, Nuai 35 kan dah a, tin, Budget bupui ah khan nuai 40 kan ba a, kha kha chu kan hmang ve thei tep tawh ang chu. Tin, hemi Consumer Union ten an ngai pawimawh a, ka hnenah an lo kal a, representation pawh an rawn ti a. Anni pawhin a vuah ngawr ngawr a hi chu sorkar-in in ngaih dan hi chu tawmpuina che u kan nei a ni. Amaherawhchu, dan te te a awm a, hengte hi chu zawm teh u min ti a. Hei hi chu theihtawpin zawm kan tum e, kan ti a. Chulai ah chuan legal -

metrology lampang atang pawhin an lehkha kan hmu tawh a, tunah hian kan enfiah mek a. Hetah hian Certificate hi chu a tul anga issue inni ang min ti a, khalam pawh kha Pu Speaker, kan bawhzui char char e, tih kha kan sawi duh a ni.

Tin, Member zahawm tak Khawzawl bialtu khan in Constitution thil kha an sawi a, Constitution hi kan expert ve vak lova, kan sawi sual palh ang tih te pawh kan hlau a, amaherawh chu water supply chungchang ah hi chuan State in thuneihna kan nei e. Khami Constitution ami kha chu Inter State Boundary emaw ... engngeni chhim lamah pawh an buai an buaina khu khutiang ang chi ah khu chuanin State-in a hranpain a siam thei lova, keimahni huangchhung bikah erawh chuan kan Legal expert ten min hrilh ve dan ah chuan a tawi zawngin sawi ta mai ila. Water supply dan hi chu kan siam thei e state list ah a chiang e min tihpui a. Pu Speaker thil pakhat ka sawi tel leh duh a awm a, hmanah pawh khan ka sawifiah tawh a. Water Rule man tih kha vawiinah sawi leh a nih, avangin a dikna tak hi ka'n sawi leh duh bawk ani. Tin, kan Financial Demand thar tur a awm lova kha kan note ah khan a awm a ni. There will be no extra Financial Demand owing to the enactment of this Bill, he Bill Act a kan tih luh a kan hman hnuah pawh hian extra Financial Demand hi a awmlo ange tih ang khan hei hi a awm a ni lawmni Water Metre te pawh in lei a in ti a, ka sawi ang khan 1991 a kan danah pawh 1993 a kan Rule ah pawh khan Water Metre hi chu kan danah a lo lawm vek tawh a, thil thar a nilo, chuvang chuan hemi implementation atan chuan a thawk tu additional kha E.E. a ni nge khatiang kha kan ngaihbelh tawh chuang love. Chuvang chuan helaiah hian Financial pawh khalamah kha chuan involvement a awm tam dawn love, a awm lo ang a ni e. Kan tih kha kan sawifiah na ni ta sela.

Water Metre kha hetiang hian ka'n sawi anga, a copy pawh ka pe vek thei mai a. A awmzia chu hetia a Water Metre bik kha a awm a, tichuan a fitting man a tih dawn a G.I. Pipe ang te, tin, ... leh insurance-ah 2.5% a awm ta a. Khatiang kha a chang an sawi khan an sawi thleng lova, a pumpui a sawi chu tikhan a awm ta a. Chumi diff. chu a ni a, khalai kha chu Pu Speaker, a fiah zawkin kan chhu chhuak anga, kan member-te ka pe mai dawn nia, a chiang zawkin ka ring khalai kha' chu.

PU ANDREW LALHERLIANA : Pu Speaker, nichinah khan kan Minister khan a rawn pount out a. Hemi

standard of weight and Measure Act, 1979 chung chang thuah khan. Tin, kan ti thei e, a tih pawh kha ka doubt lovah ngai ta ila. Hemi in a sawi awmzia chu in hriat tho a ni, a chhan chu Correct Measurement a neih theihna tura a rawn specified mai ani. Chutah chuan tun tumah pawh hian a vuah hrim hrim kha object ni lovin hemi hianin domestic type water meter a vuah loh nise a tih na chhan kha Continuous running water anih loh chuan vuah loh nise a ti mai a ni a. Mahse a tih nachhan ang chi kha a lehlam pang zawngin hetiang zawng hian a dik thei tho alawm, chuvang chuan khalaiia Centre Act hnuaia an rawn tih nachhan kha helam atang hian kan Correct thei ta e tih a awm phei kha chuan a tha lehzual dawn a. Chumi atan tak chuan Mizoram Consumer Union pawh khan an beisei chu Laboratory Test leh a vuah dan kalphungah pawh passage of air in meter a tihbuai loh dan tur ang kha an duhna chhan ani a. Chumi atan chuan tuna kha PHE Department in a correct measurement a awm theihna tura Passage of air in Pipe chhung ami Correct measure a rawn tihbuai theihna tur in rectify dan a awm chuan a tha dawn hle in ka hria a, a Support zawngin sawi ta ila. Khamiah tak khanin engtingge ni hma kha lakdan te a awm phei kha chuanin kan inthural vek a ni mai a, a hrim hrim a rules vuah hi object nilovin. Kha kha engemaw a hma in lo lakna Laboratory testna te leh hetiang zawnga tih hianin khami air-in a tihdanglam theihna tur a kha 'hei zawk hian kan rectify zu ta e ti ang zawng te kha a awm theih chuan a tha viau ang. Chungte chu a sawi leh theihloh maw? Helam pang zawnga dan in a rawn kalh e ti a rawn Oviticise hrim hrim zawng ang khan tang ta lo ila.

**PU TAWNLUIA
MINISTER**

: Pu Speaker, a technical viau a hmanah khan kan sawi tawh a sawtah demonstration pawh a awm a. Pipe thui tak meter sawmnga atang te, sawmhnih atang te tin sawmnga aia hla te pawhin tui chhuk deuh ah an han ti ta thin a. Khatia an han tih tak tak khan khimi a mi nen khan dik chiah chuan a defference kha a tlem a ngeni neglible ang a ni e tih a ni a. Amaherawhchu khang zawng zawng a kha chu thil zawng zawng khan a inang thei lovang tih phei chu a hriat a.. Tin, hmanah khan ka sawi tawh kha manufacture te leh hemi 'Indian Standard of weight and measure thu neitu sang hian 'Machine-ah hian two percent ngeni error a hi chu a awm thei e helaiiah hian tih a ni a. Chuan kan worry ber a chu tui awmluh tui a boruak lo awm khan heta tui in a rawn Pump thlak khan meter a ti kal duah ange tih a kha a ni ber mai a. Chu chu a Correction a chu kan hmuh danah chuanin a sei emaw a tawi emaw

kha khan a rawn ti danglam lutuk lova, a chelo ti ila chuan kan daw, Officer te hi kan nawr ve bawk a, thil hriat chian ka duh ve em a. An Confident khawp mai a, tahchuan kan kal hrih a. Weight and measure nen pawh hian tunah pakhat mai check an duh tawk bik lova. Hei issue ropui tak anih avangin an fimkhur ve a. Mahsengin an kal chinah chuanin report pawh ala tha viauin kan hria a, lehkha pawh kan neih ve mai chu kan ring a. Chuvang chuan helai hi fimkhur taka kan tih turah ngai ila a tha nge. Tichuan Pu Speaker, vawiinnia ka Bill putluh The Mizoram Water Supply Control Bill, 2004 hi House in min pass sak turin ka han ngen e.

S P E A K E R

Awle, The Mizoram Water supply control Bill, 2004 chu a changtu Minister zahawm takin Pass a rawn dil a. Nichina in rawn sawi state

Ment of object and reasons a sentence hnuhnung bera for tih tura 'as' tih kha typing mistake a ni e, a rawn ti a. Attend Error- ah ngaiin kha kha chu Correct ani anga, tichuan Pass a rawn dil ta a. Kan buk alo ngai dawn ta a ni. Kan buk dan turah hian a clause by clause nichiah lovin, clause kha kan hlawmkhawm leh mai anga, kan tihdan thin angin, chuan kan buk anga. He 'The Mizoram water Supplies (Control) Bill, 2004 General Body of the Bill. Section 3-24 hi pass remti apiangin 'Rem ti' ti rule - Rem tilo kan awm em ? 'remti lo' ti rule, Khawilam nge ring zawk aw. Kan ti tha leh dawn em ni ang ? Anih aw, phar rawtna a awma, kan phar anga. Kan Secretary te khan lo englo sela a tha ange. 'The Mizoram Water Supplies (Control) Bill, 2004' General body of the Bill, Section 3-24 thleng pass remti apiangin Ban dinglam phar rawh ule, lo chhiar sela, kan Secretary ten Pass rem tilo apiangin Ban dinglam phar rawh ule - Le Pass Remti - 19 anni a, Rem tilo - 14 an ni a. Pass rem lam an chak ani.

Tunah Section II defenition hi pass remti apiangin remti tirawh ule, remtilo in awm chuan remtilo tirawh ule. Hei pawh hi phar leh angai dawn em ni, dinglam hi aring deuhin ka hria a, anih aw, le, section II definition chu House in a passed ani.

Tunah chuan Clause I, enacting formula title leh Preamble te hi pass remti apiangin remti tiru le, remtilo kan awm chuan remtilo tiru le. A zuai deuh hlekin ka hria. Clause I enacting formula title leh preamble te hi House in a passed ani. Tichuan 'The Mizoram Water Supply Control Bill 2004' chu he House hian apassed ani.

**PU H RAMMAWI
MINISTER**

: Pu Speaker, ka lawm e. 'The Mizoram oil Palm regulation of Production and Processing Bill 2004' Introduce turin he House leave ka rawn dil e.

S P E A K E R

: Kan remti em ? kan remti maw, alawmawm e. Chuan a Copy kha sem tawh vek kanni in ka hria a, a rawn introduce tawh chuan he House ngaihtuah tur hian rawn pulut sela a-tha ange. Minister ilo sawm ang

**PU H RAMMAWI
MINISTER**

: Pu Speaker, i phalna leh House phalna in he bill hi 'The Mizoram Oil Palm Regulation of Production and Processing Bill, 2004' hi introduce turin House Table ka rawn dila House in min phalsaka.

S P E A K E R

: Han Introduce ta che. Han Introduce kha zau tawh kha kan ngaihsak deuh che a. (Pu H. Rammawi :Pu Speaker ka Introduce e) A rawn Introduce ta a. Tunah ngaihtuah sak turin move sela.

**PU H. RAMMAWI
MINISTER**

: Pu Speaker, 'The Mizoram Oil Palm (Regulation of Production and Processing) Bill, 2004' hi he House ngaihtuah atan ka rawn dil a. He Bill hi Oil Palm han tih hian thlai fruit bearing tree anga ngaihpalh a awl khawp a. Mahse, he House zahawmtaka he Bill Introduce tura kan buatsaihna chhan leh he House a ngaihtuah atana kan chhawp chhohna chhan hi India ramah hian mi kan tama, China lovah chuan kan tam bera. Edible anga hi ania. India ram hi tel kan ei hnema. Malaysia leh Indonesia atanga lakluh hi atam ber ania. India sawrkar hian India ramah mihring kan tam si a, Consumer kan tam sia. A theih ve em tiin India

Scientist rual mawh an pe a. theihtawp an chhuah a. India ramah hian a chin ve theih e, atha ve thei e, an ti a. Chutichu India ramah hian Promote ang tiin a thatna Area an zawnga. Keini pawn kan chah ve a, an lo kal a. Khawthlang lam Lunglei piah thlengin an tlawha, Mizoram Western belt ah hi chuan a tha vek e, in thu ani e, an ti a, a chuti anih chuan a tha anih chuan kan ching ve nghal dawn e. Central puihna tello pawhin Mizoram keimahni sum atang pawhin kawng kan zawng ang, duh leh bank te nen pawh kan in try-up anga, tiin hmalak kan tum a, amaherawchu, an ngawi thei bik lova. India ram promote an tum avangin keini pawh kan tanga theihtawp chhuah ula, amaherawchu, thlai dang ang ani lova, Compact-area a chin a, a khawl install nghal a ngai a. Chutiang anih avang chuan a khawl install tur hian Government Department-a tih chi ani lova, Company emaw private Company lian emaw entrust chi a ni a, chuvang chuan hetiang hi in ti dawn tak tak anih chuan kum thum kum liah a rah thei nghal mai si a, chutah chuan process angai nghal dawn si a. Chumi chung chuan a khawl kha install chhoh angai ve dawn si a, khatiang anih avang khan act nei ula, act inneih loh chuan nakinah a khawl install tawh hnu si farmer ten a rah an hralh chhuah tawh hnu si ah chuan buaina leh harsatna in tawk ang, a engamah hma hian in farmer te kha protect phawt ula, venghim phawt ula. Chuti lo chuan farmer-te an buai palh ange, tih thurawn min pe a, tah chuan eng angin nge farmerte protect angaihna chhan tia kan zawh pawhin farmer ten an ching anga a rah bawr hian factory ah khan an hralh dawn ta ani. Chutah chuan an hralh anga, factory ah khan an mahni tih danah chuan 24 hours ah hi chuan process ngei ngei tur ani. 24 hours chhunga an lei loh hi chuan a seed in a tihchhe ve thei ta a a rah kha. Chuvang chuan hun tiam chin neia lei angai si a, khatah tak khan factory te khan in farmer te kha a man hlep duh vang emaw khan an delay theih chuan farmer te tan khan a rah a chhe hman dawn a, khang thleng khan ven an ngai a, farmer te, chu chauh a ni lova, a rate ah a lei dan tur ah a rate kha nangmahnin dan fel tak in nei anga, factory in farmer hna an lei dan tur a rate in bithliah zel anga, Dan hmanga tih anih loh chuan nakinah Court ah in thiamlo ang.

Chuvangin a Dan hi nei hmasa rawh u min ti a, hei hi wall sheet ani ta a, chuvangin essential commodity ah a lut a, engtinng e kan tih theih ang kan tih pawhin Constitution expert rawn ula, a tih theih e an ti a. Delhi a ka cham chhungin Constitution expert 2 ka rawn hman a, hei wall sheet hi chu list three ah khan a awm a, Concurrent list ah khan 32 ah khan a awm a. An han en a, Constitution expert a an ngaih a rawn te pahnih khan. Hemi bikah hian Government of India hian Dan an siam tawh em? Inconsis-

tency a awm palh angem tih kha an zawng a, you are free, you can go a head min ti ve ve ani. He thil ah hian Government of India in hemi siam dan tur kalh engmah dan siam anih loh avangin you can go head min ti a. Chumi hnu ah chuan he Dan hi, he Bill hi kan buatsaih a. A tum tak chu he Bill spirit chu kan farmer te Oil palm an ching anga, an chin tawh hnu ah a lo rah anga, a rah an hralh dan tur kha, a man pawh factory in an nep lohna turin ssorkarin a bithliah theihna turin, a leidan ah pawh hun bi tiam chhunga factory in an lei ngei ngei theihna tur kha hetah hian Dan an dah a ngai ta ani. Chuti anih loh chuan an buai hnu ah miin Court ah min khing anga, kan thiamlo dawn si a, a engamah hmain, in farmer te veng tlat rawh u min ti a. Chuvangin he Bill hi Pu Speaker ka'n rawn buatsaih a ni a. A detail hi chu nakinah pass dil hunah Wind-up hunah ka la rawn sawi anga. India ramah hian Pu Speaker tun thla khat chhunga Pass te an awm a nih loh chuan Andra Pradesh chauhin an nei a, he Oil Palm Act a hi tuna kan pass theih chuan India ramah a pahnihna kan nih ka ringa, amaherawhchu G.O.I. - in an nawr hlawm a. Tunah hian nei tawh te pawh chu an awm mai thei a. South India bik ah hian tih an tum a tih pawh an ti tawh a. Chuvang chuan State dang pawh kha hemi an Identified area reng reng kha chu bill dan nei vek turin an kar hlawm a. An neih vek pawh kan ring hlawm a. Keini hi tunah hian bul kan tan ti ila a Sprout kan la lut a.

Mizoram ah hian engemaw chen chu kan kui tiak meka. Khatia Poly-Pot a phunsawn tur area pawh hmun hnih identify kan neih tawh avangin hetia kan tih loh chuan nakinah a khawl Factory leh Company te dawr a, a khawl install tur te G.O.I. - nen in rawn a, khatia tih chhoh ngai a nih avang khan tun atanga bill kan pass a kan pass zawh veleh he dan hmang a, engkim kan in buatsaih rualin a factory kha kan identified area ah khan kan chhawp chhoh nghal a ngaih avangin Pu Speaker he bill hi vawiin ni ah hian ka rawn pulut a ni.

S P E A K E R

: Kan Minister zahawm takin Bill a rawn putluh chhan tlangpui a rawn sawia hona kan nei zui anga. Tunge han sawi hmasa ang. Pu Lalduhoma i lo sawm ang.

PU LALDUHOMA

Pu Speaker, he bill hi kan ram kut hnathawk tute leh Huana tui mite dinchhuah tir tu tur Bill pawimawh tak a nih chhoh ka beisei a. Tiang Bill tha tak mai kan House-a a rawn lut hi lawmawm ka ti a. Minister zahawm tak leh thawhpui Department amite pawh lawmthu ka hrilh duh a. Tin, a bill chhung thu hi ka thiam ang ang chuan kan en thuak thuak a, atha thawkhatin ka hria a, Pass mai theih pawh niin ka hria a ni. He Red oil palm hi tunah hian khawthlang lampang leh chhim lampang Zawlpui area ah Compact area angreng deuh hlekin sorkar chuan a han kalpui chhe tan dawn niin a lang a. Chutah chuan Zawlpui saw chu Farmer Brigade tha deuh mai ni tawh sa an ni a. Anni kutah sawn a thlai chi a ni emaw, a sum tanpuina lam a ni emaw, a engpawh mai va hlan ngam khawp hian anmahni management a tha a, an organization a tha a. Sawtiang ang saw huan neitute in telkhawm compact area a awm si in organise tha hi hmun dangah hian awm thei sela a duhawm hlein ka hria a. Khawthlang lampangah erawh hi chuan chutiang chu kan la nei manglo niin ka hria a. Zawlpuih bik saw chuanin a ram leilung leh sik leh sa a ngeih dawn bakah a organization rin turte an tha sa a, an tipuitling chak leh zualin ka ring a.

Tin a bill hi a tha ka tih viauna pakhat leh chu a bill ah la la hian a market zawn sak dan turte a chuang sa a. Tah hian an mahni buai buai a buaipui tur nilovin a bill ah hian Act a nih hunah an thar ang ang kha a hralhna tur zawn sakna turte a ensure nghal a. Chutah chuan a ken tur chu a tul a nih chuanin Price support te leh subsidy dang dang te la pek turte kha a keng tel turah kan ngai sa a. Tin, a rate pawh hi tuk sak tur a ni a, venhim sak tur a ni a. A lo rah anga, ah han hralh anga, Factory neitute hnenah khan an han hralh anga, anni Factory neitute chu mihausa an ni anga, nekchep duh chuan Farmer pachhete te chu an exploit mai dawn a.. Chumi laka venna turte dante chu a awm bakah. Kenkawh dan a that phawt chuan a kengkawhtu a thuin he dan hi dan tha tak a ni dawn a ni. Amaherawhchu hmun tam takah mipui a tak taka thlan stla leh kut durh a thawktute hi a Industry neitute hianin an exploit duh riau mai a. Chutah chuan hetiang a hralhna man rate han tuk sak dawn hian a labour cost te leh thil dangte han chhutsak pawha hlawk lo zawkah hian thawk tak taktu, a kawngkhamate hi an tang fo mai a. Chumi lakah erawh chuan a hmanzuina ah, ram hruaituten kut hnathawktute hmangai taka an kenkawh erawh a ngai reng dawn tih hi a hriatsa bawk a. Tin, a factory neitu hian a lo leisak duh loh emaw, ni khat lek a tha a thlah pawhin a rah hi a chhe hman tlat a ni. Lawh atanga 24 hours ah factory

thlenpui a ngai tlat mai a ni, he thil hi chu. Khatiang anga a lo chhiat palh pawha Compensate an dawnna turte pawh kha he bill ah hian a tel leh zel a. Chuvangin a kut hnathawktu ate venhimna hi a tha thawkhat hlein ka hria a, lawmawm ka ti a. Tin, chuti maia thar tur a ni lova, tuna BPL tan pheih hi chuan kum khata thar thei nghal lo hi chu han insawihmuh hi a harsa a. Tlema changkang deuh leh khawsa thei deuh hlek, kum engemaw zat nghak thei tan lo chuan tih mai mai chiah ka ngai lova. Chuvangin a khawla kan barh theih hun tur hi chu nakinah a la nih dawn avangin a factory awmna tur hmunte lo zawn a, a khawlte emaw lo din a, tu tute emaw lo thlan chhuah kha tunah hian a hun lo riauin ka hria a. Chumi lamah chuan kan sorkar pawh hi hmanhmawh rihlo sela a thain ka hria a. Hengte hi chu an han ching anga, a lo lrah anga, a khawl bun dante chu khawthim hnuaiyah ni lovin khaw enghnuaiyah te pawh ala ngaihtuah theih turah ka ngai a. Hmanhmawh thlak loh lam pangah kan ngai deuh hlek a ni.

Tin, Privatise ngei chi ah ka ngai a. Department kutah kan dah leh chuan a puitlin ka ringlo ka tawng tu huat thu suhah. Chuvangin Privatise ngei ngei nise, an mahni, a khawihute ngei leh sorkar kha direct a indawrin kalpui nise a tha in ka ring a.

Tin, Red Oil Palm hi tih organic kan tum turah ka ngai a. A Bill ah alang lovanga, organic Item turah kan Minister zahawm tak hian angai turah ka'n ngai ringawt a. A lawmawm e. Organic anih chuan kan hralh tha lehzual dawn a. Amaherawhchu, tun atang hian kan fimkhur hle angai dawn ani. Hei a chi hi a sprout in a lokal a. India pawhin ramdang atangin a lalut ni awm tak ani, Costa Rica atangin kan duh ang tawk a tam a chi kan sorkar-in a neitheih hauhlo tih pawh kan hria a. Chu chu Kerala atangin a lokal a, chubakah Oilsed, Hyderabad atang te in engemawzah indent ani bawh a. Uluk takin thlawhna ah an rawn phur chho a. Helai ah nursery ah dah leh tur ani a. Primary stage leh secondary thleng a awm a, thlariat atanga thla 14 lai nursery a a awm hnu ah a huan neitute hnenah phurh tur a pek chauh tur ani. Chuvangin, a huan neitute kha eng ang pawhin fimkhur sela, a Nursery-a a awmlai a chemical an lo telh vaih chuan a lo rah anga, factory ah kan han barh anga, an han test ang a, Chemical a tel an tih chuan a tello zawng zawng nen min hnawl sak anga, kan rate a tlahniam duai anga, kan hming a chhia anga a market-ah kan hlawhtling dawnlo ani. Chuvangin, supervision hi angai hle a. Hei khawthlang lamah chuan Kawnpui quarry hnuai ah khuan mi pakhat Department hian Nursery a siamtir a ni a. A tiak sa in thlawhna a phurh emaw ka tih lai in a la tiaklo kha a kuitiak chawp ani a.

A Nursery neitu in a kui tiahna atana a huan leitha a hman ah te khuan Chemical Fertilizer a tello ngei tih Department hian an en pui tha tawk em ? Hei hi a ensure a ngai ani. Chuvangin khatianga Nursery-a lo kuitiak leh chhawngtu tur thlanna ah te pawh hian duhsak zawng te sum siamna rilru pu miah lova, a hlawkna turte chu a awm tur ani anga. Chutiang rilru pu miah lova dik taka a bul atanga kan tan hi a ngai a, chumi atanga kan tih fuh chuan a dik hlen ang tih ring ila, a bul atanga kan tan that loh erawh chuan nakinah a pawizia kan la hmu dawn ani a, pawl kan la ti em em dawn ani. Chuvang chuan, organic item tur anih avang hian ngun taka a tirte atang hian Sorkar in a enkawl ngun hle a thain ka hria a. Heihi a lo puitlin chuan eizawna ngelnghet a lo ni anga, a puitlin hma pawhin a huan kha thildang tam takah a hman tangkai theih a, a puitlin hnuah erawh chuan thing lian tak a nih avangin thildang a chin hleihtheih tawh loh anga. Hei Mizoramah a ti rah tawhte pawh an lo awm a, mahse hralhna an hre chuang lova, Zawlpuiahte chuan an tih tihin an lo ti a.

Tin, a chin dan tura Scientist ten a dan te te an sawi hi zawm nge tha zawm loh tih pawh hi a tlachawpa ngaihtuah tur nin ka hria a. Wrong Method an tih, a tihdan tur ang ni lova Zawlpuiahte chuan Zopain a remhriat dan anga a lo tih ve kha a tha zawk tlat mai ani. Chuvang chuan mi ramah, an topography a lo danglama, an sik leh sa engkim a danglama, an fiamthu duhzawng thlenga a danglamna hmun a zir chhuak Scientist te khan engkim min prescribe vek bik tur ani chuanglo. Kan farmers ten anmahni experience ngei atanga tha nia an hriat hi kan en sak anga, chu chu pawm saka tih puitlin saka lehkhabu a inziak ang kher nilova a tak taka hmangtuten hei hi a tha ani antih hi sorkar pawhin a ngaihpawimawh sak fo thin hi a thain ka ringa, he thilah kherlo pawh hian. Tichuan, he Bill hi pass mai kan rawt pui a, tha kan tih tlan theih pawh ka beisei ani. Ka lawm e.

PU SAIKAPTHIANGA

Pu Speaker, hei Bill kan la hriat ngai tehchiam loh chungchangah kan sawi-ho dawn a ni a. sawiho thiam pawh a harsa angreng a, tam tak phei chuan a thlai a pawh hi kan la Chiang lem lova. He Bill kan chhiar hian a chipchiar tha hle a. A Bill hmasa nen chuan sei pawh a in seihleih a. A Involve mihring pawh kan tam hle ani. Fimkhur a ngai hle ang tih ka hma a Member zahawm tak sawi angkhan tih kan ring a. Kan Minister hian Session hmasa khan Organic Farming Bill arawn pulut a. Kan

pass teuh a. Vawiin thleng hian chinchang kan la hre chuang lova. Khatiang ang kha a ni leh lang tih ka hlau viau. A chhan chu a Bill han zir vang vang hian chuti lutuka hmanhmawh thlak awm hian ka hmu lova. A thlai nena ngaihtuah zawm pawh hian Organic Farming kan hmanhmawh riau a. India ramah 1-na kan inti ngeni. A lek leh ta vang vang mai a. Mahse, kan kalphung tur a kha chu kha khan min dang tlat tawh ani. Punjab, Haryana, U.P. atang te a Chemical fertilizer an hman percentage chu in hre zawk vek anga. Chutiang khawpa hman tamna ram Buh kan ei mek lai khan keini kha Organic Farming leh kan han inpuang ta a. Kan kut hnathawk tuten harsatna hrang hrang an tawk mek a. Chumi kan sawina chhan chu he Bill heti tak maia kan han hmanhmawh pawh hi kan tisual ang tih ka hlau. Tihisual tur lo awm lo anih pawhin nakin zel atan kan tisual leh mai awm mange ka ti a. Organic farming ah hian kan ti sual der tawhin ka hria e. Kan sawi ho ai pawh khan la sawi lova, Hun lo kalin a lo hrilhfiah mai tur India ram State keini aia changkang zawk leh Parual zawk pawhin an hlawhtlin pui lova dai lo in theu kha kan la mualpho pui tho tho in ka ring ani. Hei pawh hi chutiang deuh hlek chuan a hlauh thawnawm hle tih kha ka sawi duh ani.

17/1/51

Engpawhnise, Bill in a tum chu he thlai ching tute hi uluk taka a enpuia a hralhna pawh sorkar in buaipui a an hralh theilo anih pawhin sorkar a in sengso anga. A ti lutuk erawh chu private Company an ni ang tih a ni. Chuvangin private Company nilo pawh kha, sorkar pawh mi state in an ti tih pawh en hma a. India ramah keini aia state changkang zawk leh he thlai pawhina a ngeihzawk tam tak awmlai chung tena an tih chhuahdan pawh hriat hma a keini lo in zem bur mai a hi a dik ber ang em aw, kati ani.

Tin, kan practice tan mai danah pawh hian General discussion ah ka sawi tawh a, he thil hi a that em avangin kan uluk ni turah pawh ngai ila. tichuan mipakhat in nuai 16 man vel supply phawt a, mipakhat in a vaiin an Kuitiak leh ta mek a, kan tan dan atanga a zik chhuah dan ngaihtuah hian he Bill hi khawilaiah emaw chuan fello ala awm mai ang emaw aw a ziak hrul ah hian tih erawh chu ka veng thawng khawp mai. Amaherawhchu, thil tha tak niah kan ngaia kan Minister in sorkar a kalphung tur zawng zawng rawn kal tlangin Cabinet approval te pawh awm vek chuta rawn pharh anih avangin vawiin niah hian pass loh ngawt lam kha ka sawi tum ani lova mahse heti em em maia he thil bik ah Department leh sorkar a in Concentrate ta bik hi, kan Minister leh kan sorkar anin Concentrate ta bik hi vawiin niah a puitling sa tam tak thlai nei a ni. Kan kut

hnathawk tuten vawiin niah, naktukah, thlalehah an mangan pui an buaipui em em chungah pawh Bill leh regulation siam si lova, he thil thara heti tak maia kan han kal ta mai hi chu tlem chuan ka ngaih a tha lova ni. A thu, a Bill hrim hrim ahi chu atha khawpin ka hria. A involve a member chi hrang hrang an dah dante pawh hi a rinawm hle a ni. Mahse a lutuk mah mah kati a Committee, a board hantih ang zawng zawng hi hanin kohkhawm chhung leh ro han rel chhung pawh ppppaduh tam ngawt ang. Chuvang chuan thil hi tha tak niawma lang, Mahse a practical ah chuan kan la mualpho pui leh tur chi vawiin niah hian kan pass dawn niin ka ringa, a rate palm oil hrim hrima hi a thalo emaw lam ka experience loh avangin ka sawi thei lova, amaherawhchu kan buaipui dan em em, Tin, a area te hi khawilalah nge kan identified dan ? tihte kan Minister zahawm takin nakinah a rawn wine up hunah min rawn hrilh sela a chhanchu a ram leilung duhdan kha kan Minister zahawm tak khan a rawn sawi tawha. Mizoramah hian atha ve thei anih pawhin atha ve thei chang chang ni tur a ni.

South India lama tha thei anih miao avangin a climate kha South India lam leh keini climate chu a in karhlat dan chu a hretu vek kanni a. Tin, ka hma a member zahawm takina a sawi ang khan vawiin nia kan tihtir mekte hian organic fertilizer in an chawm em ? tih te hi hetiang ang kan buaipui rual rual hian House hian hriat theih nisela. Tin, chu organic Fertilizer-a pawh chu engtiang ang taka buatsaih nge ? tihte kan hriat atha in ka ringa kan hmanhmawh lu deuh mange aw, thil reng reng hi kan hmanhmawh viau mai hi chuan tum engemaw ni hi a awm duh khawp mai hian ka hria a. Organic bill nen khan engemaw inan riaina neiin ka hria a. Chuvangchuan, ka nei a ni tih House-ah hian ka sawi duh a, kan han enchhin anga, enge bill tha tak mai kan pass-a kan kal leh theih siloh chuan keini a Pass tu ho-a hi mipuiin min la rawn mawh tur chu kan ni ang tih ka ring a,

Tin, hetiang taka thil tha a nih chuan Sorkar hian heti em em thian tuipui lo mah ila, a Market hi chu a awm tho mai ang a, chuvang chuan a chingtu thlan chungchang ah pawh he bill nen hian a la inzawm thei ang em ? tih kha ngaihtuah tham tak a awm a ni. Bill tha tak kan siam a, a subsidy tur nen lam kan inruahman a, a lost compensation tur nen lam kan inruahman a, chutahchuan, a thiltitheh fal deuhthe chhungkua entirnan, hetah Compensation a awm a kan tel a, helaiah hian Class-I Contractor a kaina tur a awm a, kan tel leh a. Khatiang anga kan tih leh chuan a fail pawha he thil ah hian pawisa hmuh tho tho tur anih chuan a selection-ah pawh khan Pu Speaker kan fimkhur hle a ngai ang. A ching apiang

kha tumah hlawhchham a awm theih dawn miah lo a ni, he dan hi chuan. Chuvangchuan, a expensive veng veng awm mange aw tih erawh chu he bill lokal dan atang hian he Red - Palm Oil hi ka zu hmuh dan a ni Pu Speaker. Ni e, thil tha tak ni tura ngaih a nih avangin keini lam pawhin nichin ami thil thalo nia kan hriat ang kha chu kan ngaih dan a ni lovang tih chu ka ring a. Amaherawhchu, fimkhur taka thil sensitive a nih avangin a thlai-ah a sensitive a, a kalkawng pawh hi a sensitive leh dawn a ni, tih erawh chu Pu Speaker he House zahawm takah hian kan sawi duh a ni. Ka lawm e.

PU ANDREW LALHRELIANA : Pu Speaker, ka lawm e, hei vawiin ni-ah Mizoram-a thlai chin tur thar Oil-Palm a chin dan tur leh chumi-a chin a, a chingtu lo neitute venhim dan leh an hralh dan tura a rate-te thlenga ven him saka, rate tha tawk nei a siam saka. Tin, a lo lei tur pawhin lei leh duh loh pawha sorkar in a, a Market assure dan tur thleng a awm niin a langa, he bill hi a bill ngau ngau chu a tha khawp mai a. mahse, tun kan Sorkar in rilru tha tak mai a, kut hnathawktute chawi kanna tura an thlai thar rate venhim saka, rate tha tawka hralh tir a. a Market pawh siam saka. Tin, a lo chhiat dawn pawh a Compensate na tur thleng pawha alo ruahman tak hi, hemi atang hian ka rilru hi hun lo kal tawhah mi a hruai let a, a letling zawng tak hian ka rilru a na deuh tlat a ni. He Sorkar dinglai ngei hian sawhthing ching tute kha inthlan dawnin khatiang assurance kha a pe tlat a ni. Inkawkaiah Rs. 10/- in Sawhthing kan lei sak ang che u. A hralhna a awmloh pawn Tuichangah pawh kan bun mai ang chu, kan lei hrim hrim dawn an ti a ni. Chumi Platform hmang chuan kan thlathar tute Vote an zawng a ni. Mahse, a dinhmun kan hria. Sawhthing rate a rawn that apiangin Farmer-te interest, an hamthatna tur aini a leitute nen a inremsiama a rate tha zawka lei tumtu Pu Chhanhima te ngei pawh kha Permit kan pe duh lova, Court-in pe rawh u ? an tih a, kan pek, nihnih nithum vel lek a kan Cancelled sakte kha min hriat chhuahtir tlat a ni.

Chuvangin sawhthing chingtute Interest hi engahmah kan ngaihloh hi hun lo kal tawh atangin a tih lan chian em em avangin, engvanginnge ? tuna thlai la chin loh chin tur a ruahman turte, a ching tu turte ven him na, a rate an Market zawng zawng venhimna pass tura kan han phur em em mai a hi, engemaw chu a awm

a ni ka ti tlat mai ani. Vawiinni-ah hian kan farmerte, kan kut hnathawktute thlai thar venhimna tur hi thil tih tur a tam lutuk. Hmanni lawkah M.L.A. rual kan zin thla a, Delhi-ah chutah chuan, Mizorama thlai thar hralhna tur hi a awm em ? tiin AZADPUR Market ah, Phuldungsei Bialtu zahawm tak leh Aizawl N-II Bialtu zahawm tak nen kei nen kan kal duh a. Kan thlai tharte hi Delhi ah AZADPUR Market ah te pawh hralhna a awm em ? tih kan zuk en a ni. A rate chhiat lai ber kan zuk nang a, chutichung pawh chuan Kg - ah Rs.25/- in sawhthing rate zuk nia mawle ! A rate chhiat lai ber kha kan neih loh lai ani leh nghal a, a rate that lai min lo hrih a, eng hun nge ? kan ti a, December, January, February, March hi a rate thatlai ber ani an lo ti a. Chutah chuan Market Direction-a chu ka zawt chiang ngei a ni. Anih leh chunglai chuan a rate engzat nge ni ? ka ti a. Tuna in variety ang in sawi, Mizoramah in chin ang chi hi chu Kg-ah Rs. 30/- te, Rs. 35/- te a ni a, Rs.40/- te pawh thlen zauh zauh chang a nei. Nadia variety phei hi chu Rs.40/- aiin a tlem ngai lova, Rs. 50/- te a hlawh thin ani an ti a ni. Chumi han ngaihtuah chiah chuan, Mizoramah kan sawhthing chingtute hi heti khawp mai a, Oil - Palm Cultivator te venhim kan duh ang hian Sawhthing chingtute hi venghim dawn ta ila. Lo neitute kan hmangaih tak tak anih chuan kan tih theihna kha a rei lutuk tlat mai ani. Khami zawnga ka'n ngaihtuah khan ka rilru ana tlat mai ani. Sawhthing chingtute an tam lutuk, an ti tawih hnem thei lutuk, a hralhna Delhi ah te awm ngai a, Kolkata ahte awm ngei a, Mahse chutiang zuk transport thlak a, hralh tur chuan Sawrkar chakna leh thiltihtheihna a mangai si a.

Mahse, an interest kan ngaihsak duh miah lova, kan tawih tir a, vawiinni-ah hian engatinge thla kan la chin loh chingtu turte kan hmangaih lawk a, dan tha pui pui a kan han hual nghal chhana tur hi ngaihtuah teh u. A tak tak a ni em ? Kei chu karing miah lo. He Bill pass hi zuk phur ve miah lova, Organic manure a chawm tur anih lehngal phei chuan. He Bill pass hi zuk phur ve miah lova, Organic manure a chawm tur anih lehngal phei chuan organic manure hi engting nge siamdan tur tih training pawh kan la la lo anih hi chhut ta che u. A awmzia zawk tak ang alang chu. Central sorkar in hemi scheme hi a rawn pawm anga. A chi supply na tur te pawisa a rawn pe anga. Chu pawisa tamtak chu a supplier kan ni thei anga. He dan kan siam hian kan zuk bum te te anga, tichuan a supply na pawisa kan dawn chu kan insem leh dawn nia tih a ang tlat in ka hria.

Sawththing chingtute hi a dik chiah chuan artificial love a nih kei chu ka ring flat ani. Chuvangin kei chu na ka ti. Kan thlaithar chingtute kan lo tih retheih thin zia, tung chingtute, Sorkar in Tung kan chintir a, a hralhna n gaihtuah sak leh loh avanga anmahni pawn thing angchedawng an tih khawp a kan ngaihsak lohzia te hi ngaihtuah rawh u. Chuvangin vawiin nia he kan Bill pass tur hi kei chuan ka pass pui dawn lova, ka walk-out dawn. Ka tel ve dawn lo, kan hmangaih tak tak lo flat in ka hria. Kan thlaithar chingtute hi kan hman gaih tak tak a nih chuan tuna an chin hmang hian i hmangaih ang u Pu Speaker, ka lawm e.

S P E A K E R

Tunge han sawi leh ang. Sawitur kan awm loh chuan kan wind-up mai dawn em ni ang. A nih leh, Pu Lalhmingthanga i lo sawm ang.

PU LALHMINGTHANGA

Pu Speaker, sawiloh chu tha in ka hre lova. Hemi dan, tun kan Session ah ngaihtuah tur a ni tih kan hmuh hian lehlamah chuan min barakhaih ang reng viau a. Tin, a lehlam ah chuan thil tha takte pawh a ni awm mange aw ! ka ti a. Mi'n Barakhaih nalai chu tuna member Khawzawl bialtu-in a sawilai a kha ka rilru ah a awm a. Tin, a tha awm mange aw ! ka tihna lai chu ka bial Hauruang khua ho sawn an ching a. Amaherawhchu Palm tree a hriak hi a sen chi a ni a. red Oil Palm tih a ni a. Hetah hian Palm ka sawi tum chu heta kan Bill phek 2 na no 6.a. a definition ah hian Oil Palm means the palm of degenous a ti a, tah hian a botanical name in a lam pawh ka lam thiam ve mang lova. "Oil Palm" means the palm of the gerus *Elaeis* the spieces, *Elaeis guineensis*, and *Elaeis Malancococcea* or *Corozo oleifera* and hybeids of these Species.-....

Palm chihrang hrang hi a tam viau a, hei Encyclopedia te han en chuan, entir nan Palm thenkhatah chuan a Oil kha a thlum chite a lo awm ta a. A then chu a sen chi te a lo ni ta a, a then chu Medicinal value nei tunlaia damdawi lar tak Oliavera kan tih ang heng ang siam nana an hman chutiang chuan Palm ah hian varieties tam tak a lo awm a, kha kha a botanical name in keini chu kan fiah ve lem lova. Tichuan red oil kan tih kha a ri hmasa a nih

avang khan tah hian Palm dang chu kan ramah a chin theih lem lovanga. Red Oil nei chi tur hi ching nual a, chuvang chuanin hei hi rawn tih a nih dawn hi maw tiin ngaihtuahna ka lo nei a ni.

Tin, sawlaia ka biala chingtute sawn an interest viau mai a, a red oil palm chi kha a tha thei chu a ni ta a. a dang chu a that theih awm em em chu an sawi chuang lova. Tichuan khatianga mi grower interest takte an awm chuan kan ramah hian eizawna ngelnghet kan neih hi a pawimawh em avang hian thil vawikhat han chin a, a lifespan kha thui si a productivity period sei si chhungkaw chawm thei ang chi hi chu kan ram economy Sustainable economy siamna atan hian eng emaw kan hmuh chhuah hi chu a pawimawh tak zet a. Chuti zawnga ka zuk ngaihtuah chuan hetah hian beiseina chu eng emaw chen chu khawthlang bial-ah a tha thei e an tih avang hianin ka rilru ah a awm thin a ni. Tuna kan eizawna buh kan han ching a, lo neih sawn sawn kumtin han vat a, hala hetiang hi chuanin kum 50 dang kan kal leh hi chuanin kan kan ram hi Semi-desert ah kan dah thla ngei mai dawn a. Khatah kha chuan a tuartu kha Flora and Fauna mai kha a ni tawh dawn lova. A vegetation leh Flora and Fauna leh keimahni a neitu, a ram chhunga cheng, a mihring a te hi kan ni dawn tlat a. Chuvangin, hetiang ang thil thil durable kan ti mai ang a, a productivity sei thei si ang a mihring chhungkua kan zuk in ben bel tir thei a. Kha khan a chawm thei dawn anih chuan a Sustainability-a kha a pawimawhin ka hria a. Chuvangin, he thil hian ka rilru-ah chuan thui takin thu a sawi a ni. Amaherawhchu, a tha love ka ti lova, thil tha tak thlen thei tu tur a ni ang tih pawh ka ring a. Mahse apprehension, hlah thawn na thil pakhat awm leh chu thil la chiang kuang vak lo, a ni a, amah hi a tha ngei dawn nge dawn lo, production a awm thei dawn nge dawn lo tih lai a kha tuman kan la prove lova. A Sorkar ngei pawhin Pilot project emaw siamin anih loh leh demonstration farm te emaw siamin a Prove hmasa hauh lova.

Tunah hian blind takin ke a pen dawn a ni mai a. Tahchuan Sum leh pai hman tur te pawh kan ti dawn chu a ni mai a. Chuti laiah chuan he Selection hi a Variety Selection hi a dik chiah ang em ? Tin, hei hian kan ramah thil tha tak a rawn thlen ang em ? Entirman Thingpui te pawh kan ramah hian a tha viau va, hengte pawh hi a life pawh a thui a. Miin an rawn tih tawh chuan a sustainability pawh a thui ani. Coffee te pawh a tha a. Mahse hengah pawh hian a tha tih kan hriat leh khatianga anga kan lo tih tawh pawh hian rin ai chuan kan hlawhchham ang reng viau bawk si te hi kan in enchian a tulna lai chu a ni a. Hetah pawh hianin in enchian deuh hlek chu a pawimawh in ka ring a.

Tin, hlauhthawn kan neih velai a kha chu he dan kan han siam hianin a subsidy tih lampang te leh engkim a hi kan dah ta a. Tin, chubakah private Company a hralh han tih te leh khang zawng zawng a kha Central Minister boralta Kumaramangalam, Power Minisster khanin Word pakhat a rawn hman chhuah National Conference-ah chuan India ram a kan vei lian deuh mai hi chu subsidy syndrome hi kan vei tawh a. Hemi hi Economic rheumatism-ah a lut a, engeni ruhsehah. Helai hi mipui thinlung atang a kan phawi chhuah hma chuan in kan economy hi a dik thei lovang ti ang deuh hlakin a sawi a. A ma word coin mai kha chu a ni na a, a ropui nalai tak awm pawn ka hria a. Heta kan han duan dan kawngah hianin Vested Interest awm thei tak a awm ve ta a ni. A chhan chu kan ramah he thil hi a chi han tipung tur te pawh thil la awm tak tak lemlo a ni a. Chuvang chuanin a supplier, tin, a nursery siamtu, tin a chi leitu tih leh a distributor tih khanglai ah khan kumhni h khat chhunga pawisa siamna atana a rilru pu ran la rawn titu te pawh hi an awm thei mai ang a. Hemi kan ram economy siam that tumna tak tak ai hianin hei hi a inzep thei mai awm mange ti ten ngaihtuahna kan siam a.

Tin, information te kan collect khawm mai mai a. Hemi ah pawh hianin chin a that zia, Voluntary tak a sorkar tirhchhuah em em pawh ni lem lova nasa tak a Canvas tu hi an awm a. Chu chu tun dinhmun ah pawh hianin a supplier te, tin a nursery siamtu tepawh kha anni chho leh nghal a. Tah hianin sorkar hiani pawisa hi engemaw chen pawh a seng tawh niin alang nghal a, chumi tak chuanin rilru-ah khan rinhlelhna la rawn siam chho ve nghal a. kha thiltha tak anih theihna lai tur pawh kha hetiang anga engemaw racket ti mai ila, a kal luh a, vested influence hianin thil atih laklawh chuanin thil thalo deuh hlekah a tawpah hian a in keuh thluk ve leh theih thin a ni.

Tunah Subsidy turte pawh kan han englo ta a. A tlangpui chuan Subsidy te hi a principle a Act pawh a awmsa timai ang, a act hranpa hian zuk dah lo mah ilangin, Practice a awmsa a ni a. Chuvang chuanin a act-ah te zuk ziak biai buai lo hian a tuldan anga khami a grower te dinhmun te zuk en a, tuna dan chiah a zuk hman tur an ni a, heng hi, Transport subsidy ani emaw tui Price Support Subsidy lam ani emaw, a tum dan chiah a zuk hman tur an ni a, heng hi, Transport subsidy ani emaw tui Price Support Subsidy lam ani emaw, a enga pawh kha lo ni selangin, Capital Investment Subsidy te pawh loni selangin Dan a nghet taka a chuan bur lem loh hian thil a rawn kal chhoh-ah amah leh amah hemi Market Character chu helai Legislator te emaw, Parliamentarian ten emaw, a rorelna chhunga a Mar-

ket character kha va regularised theih em em ani lova, ama nungchang neih ve ani a, Demand and Supply-ah te a inngat tlat thin a, chumi Interreaction alo awm a, a situation in a demand huna tihtheih ang chauh va dah hi a him a ni. Chuti nilova act-ah a awm but mai hi chuan entirnan, a ching a in tianga, a verify tu nen pawh khan lo inthural ta ang selangin lo hlawhchham ta ang selangin mi zawng zawng kan va kal kher si lovang a, mahsengin pawisa siam tumna n gawt ngawt anih kha chuanin khatiang ang racquet siam khan pawisa asiam teuh teuh theih ta thung si a. Chuvang chuanin heti taka kan han Minister phei chu a sincere khawpin ka hria a, amaherawhchu mi sincere deuhthe pawh hi mifel tak hianin bum theih an ni ve tho a An sawidan chuanin eiffel Tower pawh khu vawi 2 an hralh tawh tlat ani tute emaw chuan, tuta mah ni lem silo kha a neitu anga insawiin hmeithai hausa deuh huanah te an lo hralh a tumhnih hralh atawng tawh a. Khawvel a Tower ropui deuh chuan heti laiah hian thil inzep te hi a awm thei em tih tepawh hi Department lam hian bih chian deuh hlek ni selangin a englo hrim hrim a te phei hi chu han object ngawt pawh chu dik pawn ka hre lem lova. Khatiang ka ngaihtuahna kha he rorelnaah hian hetia bill alo luh tak siah chuanin sawi chhuak lo theilo niin ka inngai a Pu Speaker, ka sawi ani e, hun tha tak min pek avangin ka lawm e.

S P E A K E R

: Anih leh sawi duh dang kan awm tawh loh chuan Minister kha wine-up turin kan sawm mai dawn em niang, anih leh aw Pu H.Rammawi ilo sawm ang.

**PU H. RAMMAWI
MINISTER**

: Pu Speaker, alawmawm e. Pu Speaker i phal chuan oil Palm hi Saitual bial changtu kha a awm lova. Oil Palm hi nang chuan i hmu tawh a, a hmunah tepawh Malaysia ah tepawh. A kung hi hmulo kan awm maithei a a lem lianpui ka kenga tah hian, Speaker i phal chuan member te en theihin a lem lianpui a kunga rah lai ka kenga, rindan ngawta sawi ai chuan, tha itih chuan ka keng ania. Hei hi ania, a kung chu kha kha ani ta, hei hi a rah kha ani ta heihi a buns, buns antih kha hei hi ani ta, a rah intel khawm a kha. (PU SAIKAPTHIANGA Pu Speaker, khawi ami nge pawh hriatloh kha, khatiang khan mi hi ati ringhlel telh telh mai a, awl te in pass kha dil mai sela, anih tur ang tak tak kha kan la sawipui duh lova, atih atih chuan kan hnial mai ang, hei kan rilru a hlimlo nasa ania, kha aia detail zawk pawh khan kan sawi mai ang.)

Pu Speaker, Member sawi tute duh thawhna kha a lawmawm kati a, fimkhur angai a, thil thar kan ti dawn a, thil thar kan tih reng reng chuan atir ah hian fimkhur angai a, fimkhur te tea kan tih chhoh loh hian hlawhtlin lohna kawng kan zawh thin a, chuvangchuan, fimkhur thu a kan Member ten an sawi kha lawmawm ka ti a.

A hmasa berin Ratu bialtu Pu Lalduhoma sawi Organic tur ani em tih lai bawr vel kha a tir te atangin edible Oil anih avangin Organic tura duan ani a, Kawnpui ah kui tiah ani a. Zawlpui ah kuitiah tih pawh kha a dik a, kui tiah han tih ah a sprout an ti a to thei mai turin a mu an sawisak tawh sa to thei mai tura kha sprout an ti a. Chu chu kan la chhovin a thlawnin kan phur ta a, chu chu polythen bag ah polythen bag pawh c.m 35 a sei chutiang lo chu an duh lo ani, a chhan chu wrong approach an ti a, a than a tha duh lo an ti a, ruahmanna an rawn siam vek a, khatiang ang mai kha kan duh tawk lo.

Pu Speaker, Kawnpui leh Zawlpui a a sprout kan enkawl tir mekte hi Kawnpui a mi hi Lalhmingthanga ani a, hetiang thil a Japan ramahte pawh kal tawh, tin, South India ah pawh Oil Palm chungchang pawh zir vek tawh ani, a pa chu Rev. Liandawla ani a. Zawlpui ah (PU LAL THANHAWLA : Pu Speaker, A bill hrim hrim hi chu a tha, mahse, product pawh awm lo engmah la awm lo family 2 Pastor pension leh Wing Commander tih vel humhalh na tura siam ani rih a, chiang taka sawi mai hi a tha mai a, a thar sa tam tak a awm a, chung chu engatinge kan safe-guard phawt lova, a thar sa tam tak siam tung te a awm a, Sawhthing a awm a chung chu humhalh phawt tur. Hei hi chu thar pawh la thar loh a rim a ra pawh awm lo, a tak hmuh tur pawh awmlo chuvangin, produce anih hunah Pu Speaker, hei hi kan siam thei. Chuvangin, a hmanhmawh nachhana hi a intention hi a that loh avangin sawi ngai ka ti lo la ni.)

Pu Speaker, Bill ani a, Memberte han sawi kha clarify hlek hlek angaia, chungte chu kan clarify duh a, Zawlpui ah enkawltu pawh kha South India a training tawh ani a. Kawrthah bialtu khanin Organic farming bill reh nang vang han tih daih te kha chu niminah kan passed a engtinge Conversion period pawh hi kum hnih kum thum ani thin asin, tih kha kan sawi duh lawk a. (PU SAIKAPTHIANGA, Bill kha a reh vang vang alawm tunah hian) Thla 10 chhung kha a reh vang vang a rules kan la siam rih lova. (PU SAIKAPTHIANGA : Siam tir alawm, loneitute, kut hnathawktute nitina

an mamawh kha a khawih tlat avangin i chawlhsan ngawt a, a dik lo alawm.) Chawlhsan ani lova, fimkhur takin Slow and steady hi kan hmalak dan ani, tih kha kan sawi duh a. (PU SAIKAPTHIANGA Changpat atanga leitha siamte pawh ilak hma hian an practice daih tawh a. Chuvang chuan organic farming tur a nih chuan kha tak pawh khan ti chak turin tan lo la ta che. Fertilizer ah hian thalah hian hnimhnah hmanga damdawi tlem phula organic, quintal 100, 200 awl tur ni 20 chhunga siam dan te, ran ek leh hnimhnah te hmanga siam dan te thal chhungah hian training hmun hrang hrangah pek kan tum dawn, kan leitha hi Organic a kal tum kan nih avangin mahnia intodelh hi kan tum a, thal chhunga April thla hmain Pu Speaker kan hre mai ang, Company pawh kan dawr tawha, thil hi sawifiah loh chuan doubt kan nei thina, a kui tiaktu, chumi khami, tih ang te kha kan tih ang kha supply chi ani lo. Government of India in allotment min pe a, min pekna pawh hi India Ram ah hian kan in daih lo em a, keini chu kan advance a, kan chuhhelh a, nuaih 1 sing 5 min pe a, chu pawh chu state dangin min thik a, engatinge in duhsak bik an ti a. Foreign atanga Costa rica atanga lak luh hi singnga, an la lut a, Federation hian, Federation in sing 5 an lak luh lai hian Mizoram in Sing 3 kan chang ani. Tripura-in singkhat, min thik ve em em ani. Chuti tak chuan tan kan la a, kan in chhawp mawlh mawlh lai khan helam ah pawh pen chak tura min tih avangin kan pen a ni a. Contract awm thei pawh ani lova, Supply pawh awm thei ani lova. Khatiang ang kha a dinhmun ani a. a kui tiak tute Zawlpui leh Kawnpui kan tih te an ram chhung leitha tin nuaih 1 chuang midang ramah pek a ngai dawn, tlawmngaiin ani kan in tirh, an hlawkna tur nuaih 20/30. tih hi a engnge awm ang.

Department Farm a kan tih duh loh mimala kan tih na chhan hi tlang deuhin sawi ila, tun hma in hetah, khulai ah pawh thingdawl ah pawh an ti tawh a. Kan Officer liante, kan milian ten khawimaw an ti a, House Plant an ti a, an huan ah an ching a, khatia tihdarh chi a ni si lova, kha kha kan hlau a, kan ni.. a. Mimala kan dah ah chuan tumah in an ti ngam lova, dik taka pek theih kan rin avangin, a tir atangin mimal rama kan tihna chhan hi ani.

A pahnihna ah chuan mimal rama kan tih hian mim al kan enkawl tir hian senso hi a let li velin a tlawm. Chumi kan ngaihtuah avangin ani tih kha ka sawi duh a. Tunah hian Zawlpui-ah sing thum sang li (34000) hian a sprout hi kan hnawhlut tawh a. Kawnpui ah hian 77000 tunah hian 70,000 a sprout la hmuh belh tur kan la nei a. Khatiang ang hma chhawpve kan nih avang khan, chak deuha helamah pawh kan pen ve a ngaih avangin heng bill te pawh hi G.O.I- in min nawr hmanhmawh bawk nen kan rawn duang chhuak a ni a.

Tin, Pu Speaker a loss-a kha sorkarin a tum an ga, a loss-a kha tih laia kha kan danah hian en ila, a loss-a kha chu an lei lova engemaw harsatna a awm chuan factory chawi tur a ni. Farmer-te loss-a kha Section 12-na ah khan a awm a, The occupier of factory shall be aliable to Compensate the loss that may have been cause to the grower tih a awm kha. Chuvang chuan a factory lam kha he dan hian a kawh a ni a. Farmer te kan Protect dawn avangin.

Tichuan Pu Speaker, engemaw Vested interest awm anga ngaihna pawh kha Vested interest hi vawiinni ah hian ka sawi thei lo. Vested interest hi ka nei kei pawh hian. Engvangin nge ka neih tih chuan Minister Incharge ka nih avangin vested interest hi ka nei a ni. Engvangin nge ? Kan farmer te hi tun atanga kum 10-ah chuan kum khatah nuaih nga la lut ve rawh u tih ka duh avangin. Agriculture Minister ka nihna avangin a changtu Minister ka nihna angin hetah hi chuan huaisen taka pen hi ka tum tlat, Pu Speaker Official te nen pawh tangruala farmer te hamthatna tur a nih chuan tih hi ka ngaihdan a ni. Chu chauh a ni lo Pu Speaker, tunah hian high value plant, vawiinniah hian kan thlai thar Maian hnah hi foreign-ah export theih a ni lo. Manto takah kan ti theilo.

Ka bialah Lungzarhtumah tun hmain Zikhlum an ngah lutuk a, a hralhna an hrelo. Khang kha buaipui ngaihna pawh a awm lo, Highly Permishable a ni. Chuvang chuan high value Plant-ah hian Mizoram farmer te engtingge kan hruai luh theih ang ? Kan farmer taima tak tak te hi tun atanga Kum 10/15 ah chuan kum khata nuai 10 lalut thei hian engtingge kan siam ang ? tihah hian vested interest ka nei a ni. Thil dangah a nilo tih kha Pu Speaker he House zahawm tak hi ka hrilh duh a ni. Kan hlawhtling bawh ang, Pu Speaker Pathian zarah hma kan la anga, hma kan lakna area-ah chuan specific area kan target anga, Compact area kan target ang a. Kan Target area-ah chuan tun atanga kum 3 ah chuan a rah a lang dawn.

Tunah High Value Plan kan earmark sa kan sawi ngam rih loh farmerte dinhmun enchiana reliable farmer-te hi kan thlan a ngai. Sorkara tih chi a nilo. Chuvangin reliable farmer kan thlang ang a. Market awmsa kan hria. Aieng te pawh hi kan hria a sin. Organic a nih chuan kan rawn chho ang, agreement kan sign ang an rawn ti mai. Amaherawhchu kan farmerte hi kan doubt deuh hlek rih. A tir atanga vilpui an nih loh chuan. Chutiang bawkin tun atang rei vak lo ah strivia tihte, Pacholi tihte, Safed mausli tihte, High Value Plan hi earmark hi kan nei a ni. Mahse a bul tannaah hian fimkhur a ngai ta a.

Bul kan tan ang. Mizoram pumpui kum hnih/thumah kan dawm chho vek ang kan tilo. Hma kan lakna area ah chuan Pu Speaker, a rah hi kan hmu ang a. A hlawk a ni tih kan hriat chuan Mizoram chu ram zimte kan ni a. A tha a ni tih kan hriat chuan kan rilrua kan target Zawlnuam atanga Parva inkar hi a tha vek. Engtingge kan bawh ang. Engtingge kan luh chillh ang. Mahse kum thum kum li a rah a nih avangin khami kara inter crop tur kha enge. Mi harsa zualten inter crop atanga ei an hmuhna tur enge tih kha ngaihtuah tel a ngai a ni.

Chuvangin vawiinni a kan sawi hi thil tenau a ni lo. Mirethei mi chum chiap, tih tak tak ah chuan a system kan tih dik loh avangin. Pi leh Pute hman lai atanga kut hnathawka eizawng vawiinni thlenga ram rethei kan nih enge a chhan ? Pu Speaker, tu mawh nge ? Vawin nia ram hruaitute hi kan mawh a nih hi. Tu mawhah nge kan dah khalama thuten helam sawisel rik ngawt. Keini, helam sawisel ringawt hei hian kan ram tan thil tha a thlen lo a ni. Chuvang chuan chumi ngaihtuahna rilru nen chuan Pu Speaker, he House zahawm takah hian he Bill hi kan rawn ti a. He Bill ina a huam loh pawh hi High value Plant hi kan zawng mek tunah hian kan hlawhtlin kan ring. Tun atanga Kum $\frac{3}{4}$ chhungah hian khawi area emaw Ground Work hi i ti puitling ang aw, tihna rilru puin he Bill hi thil pakhat Oil Palm bikah hian he Bill hi Pu Speaker ka'n rawn pulut a ni a. He Bill hrim hrimah hian nichinah khan subsidy provision tih kha Pu Hminga khan a sawi lang niin ka hria a. A Act-ah hian Subsidy provision hi a awm lova, amaherawhchu Government of India Instruction ah chuan subsidy ni lovin a hectare wise-a tanpuina tlemte a awm a, chu chu farmer hnenah kan sawi duh lo la ni. Khalamah khan an kal palh ang tih kan hlauva. Chuvangin a ti tak takate chuanin a hlawkna tel mai rawh se, tih kha kan ngaih dan a ni a. He Billah hian Pu Speaker, kan sawi ang hian a farmerte Protectna lam hawi kha a ni a. chuan, khami a growerte kha hemi Joint Committee-ah hian an tel vek a ni. Chuvang chuan anmahni himna tur ngar ngar ngaihtuahna a ni tih kha kan sawi duh a.

Pu Speaker, pakhat kan sawi duh a. Mifel famkim kan awm lova, Computer pawh hi a miss thei a. Khawvel hi effect proved a ni lova. Hetah hian phek 13-na ah khan Pu Speaker, a bill tawpna ber kha, Para tawp ber kha Power to remove defficulties tih kha a bill a, Pragraph tawp ber kha, if any defficulties arises in effect to Provision of this Act kha kha section 25 ani a tah hian patent error a awm hlauh mai a, kan Dan 102 ah khan hei hi chu min siam rem sak ka ngen a. Power to remove defficulties tih tak a kha.

Tin, Pu Speaker, Kawrthah bialtu khan sawitam a awih si lova. the Mizoram Oil Palm Regulation of Production and Processing Bill 2004 hi he House zahawm tak hian min pass sak turin ka ngen e.

S P E A K E R : Awle, The Mizoram Oil Palm Production and Processing Bill 2004 chu a changtu Minister in Pass a dil a, a ngen angin 26 a chhutsual a kha Patent errors ah pawmin siamthat sak ani ang a. Tichuan kan tih dan pangngai in by clause detail a la lovin kan la leh mai ang a. General body of the Bill of the Mizoram Oil Palm Regulation of Production and Processing Bill 2004 Section 3--26 hi Pass remti in 'remti' ti rawh u. Remti lo kan awm em ? 'Rem tilo' ti rawh u le. Awle, Secrion -3 na atanga Section 26 na chu House-in lungrual takin a passed ani.

Tunah Section-2 na Definition hi pass remti apiangin 'Remti' ti ru le, (Remti). Pass remtilo kan awm em ? 'Remtilo' ti ru le. Section -2 na. Definition chu House-in lungrual takin a passed ani. Tunah chuan Clause-1 Enacting formula Tittle leh Preamble te hi Pass remti apiang in 'Remti' ti r'u le. (Rem ti). Remti lo kan awm em ? 'Rem tilo' ti r'u le. Clause-1. Enacting formula Tittle leh Preamble te hi House-in lungrual takin ka passed ani. Tichuan The Mizoram Oil Palm (Regulation of Production and Processing) Bill, 2004. chu House-in lungrual takin a passed a ni. (PU H. RAMMAWI : Pu Speaker, ka lawm e) Hei vawiin chu record kan brake in ka hria a, ka hre dik emaw. Bill pahnih kan hun pangngai chhungin kan passed thei a, a lawmawm hle in ka hria a. Vawiina kan business kan lo zo ta a. Kan chawl rih ang a naktuk November 24, 2004 nilaini zing dar 10:30 ah kan chhonzawm leh dawn nia.

Sitting is adjourned at 4 :00 P.M.